

秘傳花鏡

秘傳花鏡卷之二

西湖花隱陳洪子訂

課花大畧

嘗觀天傾西北。地限東南。天地尚不能無缺陷。何況附天地而生之草木乎。生草木之天地既殊。則草木之性情焉得不異。故北方屬水性冷。產北者自耐嚴寒。南方屬火性煥。產南者不懼炎威。理勢然也。如榴不畏暑。愈煖愈繁。楊不畏寒。愈冷愈發。荔枝龍眼。獨榮於閩粵。榛松。棗柏。尤盛於燕齊。橘柚生於南。移之北。則無液。葦菁長於北。植之南。則無頭。草木不能易地而生。人

豈能強之不變哉。然亦有法焉。在花主園丁能審其燥濕。避其寒暑。使各順其性。雖遠方異域。南北易地。人力亦可以奪天功。大喬未嘗不在吾儕掌握中也。余素性嗜花。家園數畝。除書屋講堂。月榭茶寮之外。遍地皆花竹藥苗。凡植之而榮者。卽紀其何以榮。植之而瘁者。必究其何以瘁。宜陰宜陽。喜燥喜濕。當瘠當肥。無一不順其性情。而朝夕體驗之。卽有一二月未之見。法未盡善者。多詢之嗜花友。以花爲事者。或賣花傭。以花生活者。多方傳其秘訣。取其新論。復於昔賢花史花譜中。參酌攷正。而後錄之。可稱樹藝經驗良方。非徒採紙上陳言。以眩賞鑒者之

耳目也。因輯課花十八法於左。以公海內同志云爾。

辨花性情法

每見世俗好花。不惜重資。搆取有從千里。攜歸未及半載。非枯
枯。卽驚閉。是昧其理而失其性也。苟得其性。萬無不生之木。不
艷之花。堆在治圃者。亟當詳察耳。如朱草應月而生。日長一葉。
月半卽落。謂之黃英。栢葉隨年而長。每枝十二。立秋解一。謂之
知秋。黃楊木遇潤月反短。謂之厄潤。梧桐葉遇閏月獨多。謂之
增閏。蔓草皆左旋。順天之左旋也。凡花皆五出。法地之數五也。
橘籍尸榮。榴滋鬱茂。歲以猿啼盛發。蕉以雷振頓長。椒櫨畏鹽。

納鹽實落番蕉喜火針火愈生紫薇怕曬皂角怕霜茯苓碎瓦
薛荔壓枝杞板受刀復合柿木畫皮生紋建蘭葉喜人持而綠
水仙葉喜人持而鮮蘭花向午發香荷花向午香歛葵開花向
日菱開花背日蕪荑生於熱枳椇死於寒分鐵烙梨枝而栽
小雪刀段芙蓉而密五月種桑枝六月吊水仙物各有性所必
然也大槩早苗者茂於和煦之時遲發者盛於初寒之候古云
畜苑之家不燒穰種瓜之家不焚漆避物性之相忤也苟欲園
林薈燦萬卉爭榮必分其燥濕高下之性寒暄肥瘠之宜則治
圃無難事矣若逆其理而反其性。是採薛荔於水中。舉芙蓉於

水末何益之有哉

種植位置法

有名園而無佳卉。猶金屋之鮮麗。人有佳卉而無位置。猶玉堂之列牧。豈故草木之宜寒宜暖。宜高宜下者。天地雖能生之。不能使之各得其所。賴種植時位置之有方耳。如園中地廣多植果木松竹。地隘只宜花草藥苗。設若左有茂林。右必留曠野。以疎之前。有為塘。後須無臺榭。以實之外。有曲逕。內當異可。百以達之花之喜陽者。引東旭而納西。照花之喜陰者。植北園而領南。其中色相配合之巧。又不可不論也。如牡丹芍藥之姿麗。

宜玉砌雕臺。佐以嶙峋怪石。修篁遠映。梅花蠟瓣之標清。宜疎
籬竹塢。曲欄腰闌。紅白間植。古幹橫施。水仙晚蘭之品逸。宜磁
斗。綉石置之臥室兩牕。可以朝夕領其芳馥。桃花天治。宜別墅
山隈。小橋溪畔。橫參翠柳。斜映明霞。杏花繁灼。宜星角牆頭。疎
林廣榭。梨之韻。李之潔。宜閒庭曠圃。朝暉夕藹。或泛醇醪。供清
茗。以延佳客。榴之紅。葵之燥。宜粉壁綠牕。夜月曉風。時聞異香。
拂塵尾。以消長夏。荷之清。妍宜水閣南軒。使薰風送麝。曉露擎
珠。菊之操。介宜茅舍。清涼使帶露餐英。臨流泛藻。海棠嬌。宜
雕牆峻宇。障以碧紗。燒以銀燭。或憑欄。或欹枕。其中木樨香勝。

宜崇臺廣廈。挹以涼颼。坐以皓魄。或手談。或嘯咏。其下紫荆榮而久宜。竹籬花塢。芙蓉麗而開宜。寒江秋沼。松柏骨蒼。宜峭壁奇峯。藤蘿掩映。梧竹致清。宜深院孤亭。好鳥間關。玉若蘆花。舒雪楓葉。飄角宜重。桃遠眺。棣棠叢金。薔薇障錦。宜雲昇高架。其餘異品奇葩。不能詳述。總由此而推廣之。因其質之高下。隨其花之時候。配其色之淺深。多方巧搭。雖紫葳野卉。皆可點綴。姿容以補園林之不足。使四時有不謝之花。方不愧名園二字。大爲主人生色。

接換神奇法

凡木之必須接換者。有至理存焉。花小者可大。瓣單者可重。色紅者可紫。質小者可巨。酸苦者可甜。臭惡者可馨。是人力可以回天。惟在接換之得其傳耳。如樹將發生時。或將黃落時。皆宜接換。大約春分前。秋分後。是其脫胎換骨之候也。凡樹生二三年者。易接。其接枝亦須擇其佳種。已生實一二年者。有旺氣者。過豚乃善接。必兩枝。俟其活後。生葉漸弱者。刪去其一。至於斫木。須執刀端直。不至歪傷。則易成。截樹節須用細齒利鋸。斷之又將快刀裁節處。令其使不沁水。遂從節之一傍。裁開其皮。微連以膜。約一小寸。先將剪下之枝。栽去兩旁。於口中含熟連唾。插

掩是假人涎以助其氣。用紙封外。再以簪封。然後用麻紮縛。如
乾壤少潤。總不宜灌。須遮日曝。待其成體。方可開也。七須木
枝與樹沾。各斜裁其半。以人唾粘掩之。以瓦規土灌。使少潤。晴
陰皆以器覆之。木之佳者。須則坎而探釘。斷其中根。止留四散
生者。立覆側坎而灌之。則生子必碩。大樹以皮行汁。斜斷相交。
則生。用泥之。武以銳皮連木者。挿所斫之木心。而泥之。倒挿
而生者。析其皮而緒之也。凡接須取向南近下枝用之。則著子
多。如以本色樹接本色。惟以花之佳果之美者接。自不待言矣。
若以他木接。必須其類相似者。方可。如桃梅李杏互接。金柑橙

橘方接林橘棠梨互接夫人而知之至於奇妙處又不可不講也。白梅接冬青或棟樹上卽變墨梅。西河柳接海棠極易生長。櫻桃接野槭上則成垂絲。野槭接梨樹上則成西府。楠樹接桃則爲金桃。梅接桃則脆。桃接杏則肥。桑接梨則鬆而美。桃接李則紅而甘。桑接楊柳則不酸。李接桃杏則可久之類亦宜留心。圃人接換之法有六。一曰身接。用細鋸截去原樹枝莖作盤砧。高可及肩。以利刀際其盤之兩傍微啓小罅。深可寸半。先以竹片探之。測其淺深。却其所接絲約五寸長。一頭削作小篲樣。畧嚙口中。卽納之。罅內使皮骨相對。揀訖用樹皮封固。得所再用。

牛糞和泥斟酌封裝之勿令透風外仍留二眼於上以洩其氣。
二曰根接如小樹將鋸截去原樹身離地五寸許以所接條削
尖插之一如身接法即以原土培封外將棘刺圍護之。三曰皮
接用小快刀於原樹身八字斜劈之以竹籤測其淺深將所接
枝條皮骨相向插入封護如前法俟接枝發茂斷其原樹枝莖
使其上獨茂耳。四曰枝接如皮接之法而差近之一本可發二
色或三色花。五曰壓接只宜小樹先於原樹橫枝上接截下留
一尺許於所取接條樹上根外方半寸尖刀斷皮肉至骨併帶
膜揭皮肉一方片須帶芽心揭下口擒少頃取出印濕痕於橫

枝上以刀尖依痕刻斷原樹壓處大小如之以接按之上下兩頭將桑皮紙封緊緊慢得宜仍用牛糞泥塗護之隨樹大小酌量多少接之俟苞生根始斷其半而後分植焉六曰搭接將已種出芽條去地三寸許上削作馬耳用所接條併削馬耳相搭接之封緊糞壅如前法凡接樹雖活下有氣條從木身上發者急宜削去勿令分其氣力一概種接須令接頭向外則易生分栽有時法

一切草木分各按其時栽能得其法則長成捷於核種多矣凡根上發起小條俱可分必先就本根相連處斷而不動以待次

年當分時移植。仍記其陰陽。不令轉易。卽如若陰陽易位。則難
生矣。大樹須髡。不髡恐風摧。則死。故國策云。髡縱橫。顛倒樹之
皆生。使千人樹之。一人搖之。則無生。柳至若小樹。可以不記。不
髡。每栽必量其樹之大小。先掘深坑。納樹其中。以泥水沃之。著
土。令加薄泥。東西南北播之。良久待其泥漿入根內已足。再加
肥土。自無不活。若此時不播實。則根虛多死。其根上土決宜堅
築。惟留上面三寸勿築。取其鬆柔。易受水也。每澆水過。卽以燥
土覆之。不然恐易乾。埋定後。不可再用手捉動。播及六畜觸
突。正月爲上時。自朔暨晦。可栽大木。如松柏桐梓茶竹之類。是

也。花果樹必須望前望後栽者。果必少實。二月爲中時。可栽百
卉。三月爲下時。不宜栽者多矣。須查逐月條例。如棗雞口。槐。兔
目。桑。蝦蟆。眼。榆。員。痛。與。鼠。耳。蜜。翅。等。各有其時。皆從葉生形容
之象。似以此時栽種者多生。雖云早栽者葉晚出。究竟宜早爲
妙。凡栽樹將大蒜一枚。甘草一寸。先放根下。永無蟲患。正月盡
至二月。可剝樹枝。二月盡至三月。可掩樹枝。埋樹枝土中。令生
二年。已上便可移栽。凡栽日宜六儀。毋倉除。滿收。戌開。及甲子。
已巳。戊寅。已卯。壬午。癸未。已丑。辛卯。戊戌。已亥。庚子。丙午。丁未。
戊申。壬子。癸丑。戊午。已未。等日忌死。炁。乙日建。破。日。火。日。至。如。

栽桃宜密栽李宜稀栽杏宜近人家之法不能枚舉在有園圃者隨地活變之耳凡草木或有不見栽時之例者求之此條可也

扦插易生法

草木之有扦插雖賣花傭之取巧捷近法然亦有至理存焉凡未扦插時先取肥地熟剗細土成畦用水滲定待二三月間樹木芽葉將出時須揀肥旺發條如拇指大者斷長一尺五寸許每條下削成馬耳狀另以杖刺土成孔約深五六寸然後將花條插入孔中築令土著木每穴相去尺餘稀密相等常澆令潤澤不可使之乾燥夏搭矮棚蔽日。至冬則換煖蔭仲春方去候

其長成高樹。始可移栽。每欲扦插。必遇天陰。方可動手。如遇連雨。則有十分生機。無雨。減半。拂雨時。儘可扦插。晴亦不宜。挿須一半入土。車一半出土外。若扦插薔薇木。香月季。及諸色藤本花條。必在驚蟄前後。揀嫩枝。斫下長二尺許。用指甲刮去枝下皮三四分。挿於背陰之處。四旁築實不動。其根自生。若果木。須揀好枝。先挿於芋頭。或蘿蔔上。再下土。時則易活。腦上必須用箬葉裹之。若扦插各色花枝。接頭亦得。總之扦插移栽。不外乎宜陰忌日四字。至於扦插盆花捷法。取春花半開者。用快剪斷下。即挿芋頭上。或蘿蔔內。立以花盆種之。時加澆灌。不見日色。久久自生。

根芽突

移花轉塚法

移花接木。在主人以爲韻事。於花木實繁生死關頭。若移非其時。種不得法。未有能生者也。今述其要。爲圃友知之。凡木有直根一條。謂之命根。趁小時栽。便盤屈。或以磚瓦盛之。勿令直下。則易於移動。若大樹稱春初未芽時。或霜降後根旁寬深掘開。斜將鑽心。剗地根截去。惟留四邊亂根。轉成圓塚。仍覆上築實。不但移栽便而實結亦肥大。小樹轉塚後一年。即可移。若大樹必須三年。每年輪開一方。乃可移種。轉塚時以稻秸紉成草索。

盤縛定泥上未可移動復以鬆土填滿四圍鋤開處仍用肥水澆實待次年正二月間移起就合種處如種果木宜寬當以丈二爲矩視樹之大小作區安頓端正然後下土半區將木捧斜築根塚下結實上以鬆土壅高過地面三二寸但不露大根足矣若本身高者必須椿木扶縛定勿使風搖動卽以肥水澆之如無雨每朝澆水待月半後根實生意漸萌使如隨常澆法可也若遷移遠路必覓其稍未能便栽必須蔽日雖遲三五日不妨但若塚碎日曝則無生理矣凡種一切果木望前移植者多實在南嶺晴花爲業者則不然無花不種無日不移新啓園亭

而欲速攝者。雖非其時。亦可以植。皆由轉琰得法。少俟天雨。卽移。頃刻便成林麓矣。古云。移樹無時。莫教樹知。多留宿土。記取南枝。此正轉琰後之謂也。

過貼巧合法

凡花木分栽。壓條接換。皆不可者。乃以過貼法行之。先將樹相等葉相類之小木。移於欲貼之木傍。視其可以枝相交合處。以利刀各削其皮一半。相對令之。以竹籐包裹。麻皮纏縛牢固。外以泥封之。如大樹則所合枝傍截半斷。小樹所合枝發稍。若欲花果兩般合色。則勿去稍。來年春方可截斷連處。復候長定。

然後移種可也。脫果木生之果。八月間以牛羊糞和土。包其鶴
膝。再用紙包裹。麻縛令密。以木撐住。以水頻澆。任其發花結實。
次年夏秋間始開包視之。其根已生。則斫斷埋土中。其花實自
能晏然不動。一如巨木所結。又一法。選嫩樹枝。長尺餘者。刮去
皮寸許。用有節竹筍。劈作兩間。合着樹枝。用篾縛住。內以土築
實。其根自生。二年後方可剪開。凡驚蟄前後。并八日中皆可過
貼。

期法

凡下諸色花卉種時。亦有至理存焉。地不厭高。土肥爲上。鋤不

厭數土鬆爲良。至於下之早晚已載於月令條下。茲不再贅。但種之之法不可不知。臨下時核宜排。子宜撒。必於日中燥爆潔淨。然後合浸者浸之。不浸者看其子粗則培入土內。細則均撒土面下訖。卽以糞沃其上。暖日區種者亦然。下之日必須天晴。雨則不出。下後三五日必須得雨。旱則不生。遇旱須頻澆水。若佳果欲種。須候肉難和核排種之。以尖朝上。將肥土蓋之。否則所生之實便不類其佳。亦且難生。細子下後必蓋以灰。恐不蓋必爲蟲蟻所食。則無生種矣。

收種貯子法

凡名花結實須擇其肥老者收子。佳果須候其熟爛者收核。則種後發生必茂。其法在收子時取苞之無病而壯滿者。與果之長足而不蛀者。摘下口晒極乾。懸於通風處。或以瓶收貯。各號名色。庶臨時收用不致差錯。將瓶懸於高處。勿近地氣。不生白蟻。如隔年陳者。必多不生核。種者當於墻南向陽處。鋤一深坑。以牛馬糞和土平鋪其底。將核尖向上排定。復以糞土覆之。令厚尺許。至春生芽。屬不失一。但忌水浸風吹。皆能腐仁。又一法以泥包核。圓如彈大。就日晒乾。方投糞土坑中。尤妙。凡果實未全熟時。不可使摘。恐抽過筋脉。來歲不盛。摘必兩手并摘。則年

年結實自繁。若孝服人摘之。來年不生。故治圃者。能隨時而收。按時而下。遲早不踰。斯得之矣。

澆灌得宜法

澆溉之於花木。猶人之需飲食也。不可太饑。亦不可太飽。燥則澆之。瘠則肥之。全賴治圃者不時權衡之耳。太凡人心喜香艷。而惡枯寂。春夏萬卉爭榮。則澆灌之力勤。秋冬草木零落。則澆灌之念弛。孰知來年之馥郁。正在秋冬。行根發芽時之肥沃也。及至交春。萌蘖一生。便不宜澆肥。肥能留弱。即有一二喜肥者。亦須停久。宿糞熟糞。只可臘月用。餘月用之有害。若用潯猪毛。

湯或用鷄鳴卵湯不宜親木趾恐生蛀蟲湯內若投以荔枝圓
眼核則傷易腐而蟲不生亦是善貯肥之一法當果實時宜澆
摘實後并臘前通宜澆若宿莖和以澆水勝於諸水其以煖而
壯也究竟以黃撈水爲最當多蓄聽用但澆肥之法草與木不
同草之行根淺而受土薄隨時皆有凋謝逐月皆可澆肥惟在
輕重之間耳如正月則七分糞三分水二月六糞四水三月對
和四月四糞六水五月三糞七水八月四糞六水九月對和十
月六糞四水十一月七糞三水十二月八糞而止卽十一二月
正月亦有宜輕肥者并不宜者俱載花層餘下茲不再贅若遇

天旱每日要澆。只宜清水。肥須隔數日一用。然亦須分早晚。早宜肥。水澆根。晚宜清水。洒葉。若果木則不然。二月至十月澆肥。各有宜忌。如二片樹已發嫩條。必生新根。澆肥則稍反枯。倘有萌未發者。澆之不礙。三月亦然。凡花開時不宜澆糞。恐墮其花。夏至梅雨時。澆肥根必腐爛。八月尤忌澆肥。白露雨至。必長嫩根。一澆即死。六七月花木發生已定。皆可輕用肥。至小春時。便能發旺。若柑橘之類。又不宜肥。肥則皮破脂流。隆冬必死。杜鵑虎茨尤不可肥。至如石榴茉莉。雖烈日之下。儘肥澆不害。一云。社酒澆果根。則實繁。冬至日糟水澆牡丹芍藥海棠。則花艷。

皂角無實根旁鑿一孔入生鐵屑三五斤泥封之卽結角如舊
蒲無力糞黃水和鼠糞澆之卽盛此補澆灌之所不及也每月
九焦日不但忌種抑且忌澆

培壅可否法

地有高下土有肥瘠蓋有不同若無人力之滋培各得其宜安
能使草木盡欣以向榮哉在植物莫不以土爲生以肥爲養
故培壅之法必先助土取好土糞澆草火煨過再以糞澆復煨
如此數次曝乾搗碎篩淨揀去瓦石草根收藏缸內置之日照
雨濕處聽用或取黃泥浸臘糞中年餘亦有用處至於各花各

有宜壅之糞土必須預爲料理如或用灰糞或麻餅豆餅屑和
土者或貯二蠶沙輓鼓皮屑和土者鼓皮取其無硝或以牛馬糞或以
猪羊糞或以鷄鴨等糞和土皆令發熱過方爲肥土又人之櫛
髮垢膩壅花最佳然不能多得只可盆花取用耳壅根宜高三
五寸澆水實定不可太過如竹木桑菊根皆上長每年必添泥
覆方盛各種肥土用法已詳花曆條下茲不贅凡生花果盛時
逢霜則無害當預於園中將敗草牛馬乾糞逢天雨新晴北
風寒切是夜必霜此時放火作煨令花少得烟氣可免霜威則
實可保至若盆花受氣有限全賴良土培壅更不可怠忽所貯

二
卷之二
花盆先須炭屑及瓦片浸糞清中經月爲鋪盆之用不可臨期取辨使不如法。

治諸蟲竄法

凡木有蟲葉有螻蛄果有蟬。有蝗穀有螟。螻螻蟻皆由陰陽不時濕熱之氣所生。雖有佳木奇葩一經侵蝕無生理矣。今特錄其可以驅除之法爲治圃者知之。凡樹內蛀蟲人春頭俱向上難於鈎取。必用烟薰。逢冬頭向下。只須鐵線一揆立盡。初春去蠹。蠹蛄蠅者以杉木爲鍼閉塞其氣則自死。或以硫黃末塞之。如蛀穴深曲以焰硝硫黃雄黃作紙藥線維穴中焚之。走其烟。

臭則皆死。或以堯花或百部葉納穴中亦能殺蟲。若在外或蟲
蝟蟲則以魚腥血水灑其葉上。不日自消。能飛之蟲取江隔鵝
以膠之。或畜蟻以食柑蟲。若順風燒油蠟可以驅松蟲。若用多
年竹燈架挂果樹上。可以去青蟲。或將桐油紙撚條塞蛀眼。可
桐油膠入糞澆蔬菜亦能去蟲。樹有蟲孔彈竹箴於孔邊。如補
蟲聲其蟲自出。卽此可悟啄木鳥取蟲之理矣。桃生蛀煮猪頭
湯冷澆之。橘生蟲用修馬蹄屑塞之。林擒梨樹生毛蟲埋蟬蟻
於下。或用海魚腥水澆之。槐生蟲播鼓於樹下則盡落。芝麻梗
挂樹上則無葉衣蟲。西風久雨亦能殺毛蟲。桑樹蟲多用鐵線

鉤取凡樹生癩。以甘草削釵。鍼之自消。凡栽花草。根下置白飯。末最能辟蟲患。上坑中先置甘草一寸。大蒜一枚。後種樹上。則不生蟲。蓋木實之蠹者。必不沙爛。沙爛者。必不蠹。亦性使然也。一法。清明子時。於諸樹上縛稻草一根。則不生蟲。清明前一二日。多取螺螄浸水中。至清明日。以此水洒牆壁。螻蛄能去。螳螂盆內有蟻穴。以香油或羊骨引出之。有蚓穴。以鴨糞壅之。或灰水澆之。如用灰水。當卽以清水解之。又云。以生人髮挂樹上。鳥雀不敢偷啄其實。

枯樹活樹法

天生地長草木之榮枯豈人得而主之。然人爲萬物之靈能殺

之復能生之。挽回造化亦在掌握之間。如木以肉桂作釘釘之

卽死。用甘草水灌之復榮。烏賊魚骨釘之則翳。以狗胆解之仍

茂。或曰鱗魚乾樹

卽墨魚也
名海螺蛸

又云河豚骨若以邵陽魚刺目

西時樹陰卽死。一云桂引水上則茂。石木下則枯。大榕樹以蘇

未作釘釘其根則死。蒲萄樹以甘草鍼針之卽稿。柚樹一抹呵

魏人其內則立枯。以肉桂屑布地則草不生。人溺燻麻卽萎。豆

汁澆鼠莽根卽爛。菲汁滴野葛上卽枯。枇杷梔子瑞香杜若秋

海棠澆糞卽萎。凡樹離根三尺斫其皮納巴豆數粒則汁瀉而

枯穴果樹以鍾乳粉納之則實多味美。納於老樹根皮內則瘁者復茂。白欽末置花根下辟蟲易活。又騙樹法。凡木發芽時根旁掘土搜其直下命根截去則結果肥大易長。

變花摧花法

天然香艷何暇人爲。然而好奇之士偏於紅白反常。遲早易時。處顯技。遂借此以華美觀。如自牡丹欲其變色。沃以紫草汁則變魏紫。紅花汁則變緋紅。黃則取白花初放時用新筆蘸白礬水描過待乾再以藤黃和粉調淡黃色描上。卽成姚黃。恐爲雨淋復描清碧水二次。色自不落。牡丹根下置白木末諸種花色

皆起腰金白菊。蓋以龍眼殼照住上開一小孔。每早以澱清水或胭脂水滴入花心。放時卽成藍紫色。海棠用糟水澆。開花更鮮艷而紅。凡花紅者欲其白。以硫黃燒烟熏之。蓋花在内少頃。卽白芙蓉欲其異色。將白花含苞用水調各色於紙。蘸花蓋土。仍裹其尖。開時卽成五采。昔馬鞞藝花如藝粟。橐駝之技名於世。往亡能發非時之花。誠足以侔造化而通仙靈。凡花之早放者名堂花。其法以紙糊密室。鑿地作坎。縛竹置花其上。糞土以牛溲馬尿硫黃盡培溉之功。然後置沸湯於坎中。少候湯氣熏蒸。則扇之以微風。花得盎然融淑之氣。不數朝而自放矣。若牡

丹梅花之類。無不皆然。獨桂花則反是。蓋桂稟金氣而生。須清涼而後放。法當置之石洞岩竇間。暑氣不到之所。鼓以涼颼。養以清露。自能先時而舒矣。凡花欲摧其早放。以疏黃水灌其根。使隔宿卽開。或用馬糞浸水澆根。亦易開。若欲其緩放。以雞子清塗蓋上。便可遲三兩日。此雖揠苗助長之舉。然亦須適其寒溫之性。而後能臻其神奇也。

種盆取景法

山林原野地曠風疎。任意栽培。自生佳景。至若城市狹隘之所。安能比戶皆園。高人韻士。惟多種盆花。小量庶幾免俗。然而盆

中之保護灌溉更難於園圃花木之燥濕冷煖更煩於喬林盆
中土薄力量無多故未有樹先須製下肥土全賴冬月取陽溝
汗泥晒乾篩去瓦礫將糞潑濕復晒如此數次用乾草柴一皮
肥土一皮取火燒過收貯至來春隨便栽諸色花木可也栽後
宜肥者每日用鷄鷞毛水與糞水相和而燒如花已發萌不宜
澆糞若嫩條已長花頭已發正好澆肥至花開時又不可澆每
日早晚只須清水果實時亦不可澆澆則實落凡植花三四月
間方可上盆則根不長而花多若根多則花少矣或用蠶沙浸
水澆之亦良草子之宜盆者甚多不必細陳果木之宜盆者甚

少。惟松柏榆檜楓橘桃梅。茶桂榴槿鳳竹虎刺。瑞香金雀海棠。黃楊杜鵑月季。茉莉火焦。素馨枸杞。丁香牡丹。平地木。六月雪等樹。皆可盆栽。但須剪裁有致。近日吳下出一種訪雲林山樹。盡意用長大白石盆。或紫沙宜興盆。將最小栢檜。或楓榆。六月雪。或虎刺黃陽梅椿等。擇取十餘株。細視其體態。參差高下。倚山靠石而栽之。或用昆山白石。或用廣東英石。隨意疊成山林。佳景置數盆於高軒書室之前。誠雅人清供也。如樹服盆已久。枝幹長野。必須修枝盤幹。其法宜穴幹納巴豆。則枝節柔軟。可結。若欲委曲折枝。則微破其皮。以金汁一點。便可任意轉摺。須

玉蘭粉團蓮花等則花之本質既大。瓶自宜大。又不在此例。嘗聞古銅甕器入土久則得氣深。以此養花。其色必鮮。且能結實。雖無濟於事。無園者亦可駭奇。吁。寒士處此。名花猶可假乞。古器從何而致。若有宣德成化或龍泉寄者。一二便可脫俗矣。

整頓刪科法

諸般花木。若聽其發幹抽條。未免有礙生趣。宜修者修之。宜去者去之。庶得條達暢茂有致。凡樹有澀水條。是枝向下垂者。當剪去之。有刺身條。是枝向裏生者。當斷去之。有駢枝條。兩相交五者。當留一去。一有枯巧條。最能引蛀。當速去之。有冗雜條。最

能礙花。當擇細弱者去之。但不可用手折。手折恐一時不斷。傷皮損幹。粗則用鋸。細則用剪裁。痕須向下。則雨水不能沁其心。木本無枯爛之病矣。至伐木之期。必須四月七月。則無蟲毒之患。而木更堅。別耐用。若弄時斫伐者。必須水澆一月。或火偏極乾。亦不生蟲。

花香耐久法

昔人云。種花一載。看花不過十日。香艷不久。殊爲恨事。今特載一二耐久之法。以補惜花主人之不逮爾。冬月用竹刀取梅蕊之將開者。蘸以蠟。投尊缶中。夏月取出。以沸湯就蓋泡之。蓋卽

鮮綻香亦不減。搗女貞實汁。即多拌。最桂半開者。入細磁瓶。出以厚紙蓋之。至無花時。密室聊置一盤。其香長七。可以久留。或以鹽酒浸桂花。截至來年。色香俱在。玫瑰同。酸梅白。糖拌收。瓶內經年。花之色香如故。又一法。取梅或菊或玫瑰。葉勑珍珠蘭。皆摘其半開之花。四停茶葉一停花。以確兜收之。內一層茶一層花。開投至滿。用紙箬繫固。入鍋內。以重湯煮之。取出待冷。另用紙封固。袋置火上焙極乾。收用炮茶。其香可愛。又香櫟佛手。若扞芋於其蒂上。以濕紙圍護之。經久不癢。或搗蒜罨其蒂。則香更充溢。

。花間日課 四則

春

晨起點梅花湯。課奚奴。酒掃曲房。花徑闌花層。護階苔。馬中取
蓄。微露浣手。薰玉麝香。讀赤文綠字。晌午採笄。歲供胡麻。汲泉
試新茗。午後乘欸馬。執剪水鞭。攜斗酒。幾柑。往聽黃鸝。日晡坐
柳風前。裂五色箋。任意吟咏。薄暮。送徑。指園。下埋花。飼鶴。種魚。

夏

晨起。菱荷爲衣。傍花枝。吸露潤肺。教鸚鵡。鳴詩詞。禺中。隨意。閑老
莊。數頁。或展法帖。臨池。晌午。脫巾石壁。據匡床。與忘形友。談齊。

諧山游。倦則取左宮枕。爛遊華胥國。午後剝椰子。香浮瓜沉李。
搗蓮花。飲碧芳酒。日晡浴罷。蘭湯掉小舟。垂釣於古藤。山水邊。
薄暮簪冠。蒲扇立高阜。看園丁抱甕澆花。

秋

晨起下帷。檢牙籤。挹花露。研硃點校。禺中操琴調鶴。玩金石鼎。
焚香。晒午用蓮房洗硯。理茶具。拭梧竹。午後戴白接籬冠。着隱士
衫。望霜葉紅開。得句卽題其上。日晡持蟹螯。鱸膾酌海川螺。試
新釀。醉聽四野蟲吟。及樵歌牧唱。薄暮焚畔月香。壅菊觀鴻理
琴數調。

冬

晨起飲醇醪。負暄臨櫺。馬中道。檀源。燒鳥糞。會名士作黑金社。
晌午。挾筴理舊稿。看樹影移堦。熱水濯足。午後。携都統。籠向古
松懸崖間。敲冰煮茗。建茗日哺。羔裘貂帽。裝幽風。撥策蹇。驢問寒
梅消息。薄暮。圍爐促膝。煨芋魁。說無主妙偈。剪燈閱劍俠列仙
諸傳。嘆劍術之無傳。

花園款設

八則

堂室坐凡

堂前設長大天狀凡一。或花梨。或楠木。上懸古畫一。几上置葵

石一座東坡椅六或水磨或黑漆室中設天然几一宜左邊東
向不可迫近牕櫺以通風几上置舊端硯一筆筒一或紫檀
或花梨或速香筆規一古甯水中丞一或古銅研山一或英石
或水晶或香樹根古人置所俱在左以其墨光不閃眼且於燈
下更宜清炯徽墨一畫冊鎮紙各一好騰瓶一又小香几一上
置古銅爐一座香盒一非雕漆卽紫檀白銅匙桂一副匙桂瓶
一非出上古銅卽紫檀或老樹根左壁懸古槩一右壁挂劍一
拂塵帚一圓中切不可用金銀器具愚下艷稱富尚高士目爲
俗陳

書齋椅榻

書齋僅可置四椅二榻一床一榻夏月宜湘竹冬月加以古錦製縛或設皐比俱可他如古須彌座短榻矮几壁几禪椅之類不妨高設最忌算壁平設數椅屏風僅可置一座書架書櫃俱宜列於向明處以貯圖書然亦不可太雜如書肆樣其中畧尺裁紙刀鐵錐各一

敞室置具

敞室宜近水長夏所居盡去牕櫺前梧後竹荷池繞於外水閣啓其旁不漏日影簾透香風列木几極長丈者於正中兩旁置

長榻無屏者各一。不必挂佳畫。夏日易於燥裂。且後壁伺開。亦無處可懸挂也。北牕設竹床。新簟於其中。以便長日高臥。几上設大硯一。青綠水盆一。尊彝之屬。俱取陽大者。置建蘭珍珠蘭茉莉數盆於几案上。風之所兼之奇峯古樹。水閣蓮亭。不妨多列。湘簾四垂。牕牖人望之如入清涼福地。

臥室脩物

臥室之用。地屏天花板雖俗。然臥處取乾燥。用亦無妨。第不可彩畫及油漆耳。而南設臥牀一。榻後別留半室。或耳房。人所不至處。以置薰籠衣架盥匱。用衾書燈手巾。香皂礬之屬。榻前僅

置一小几不設一物小方机二小榻一以貯香藥玩器則室中
精潔雅素一洗絢麗便類閨閣氣非林下幽人眠雲夢月所宜
矣更須穴壁一貼爲壁床以俱契友高人連牀夜話下穴抽簪
以藏履襪庭中不可多植賤木第取其種當秘惜者置數本於
內以文石伴之如英石崑山石之類盆景則設傲雲林或大癡
畫意者二三盆以補密室之不逮

亭榭點綴

大凡亭榭不避風雨故不可用佳器俗者又不可耐須得舊漆
方面粗足古朴自然者置之露坐宜湖石平矮者散置四傍止

石墩瓦墩之屬俱置不用尤不可用宋製製官磚於上枴脰須板刻庶不致風雨摧殘若堂柱館閣則名菱重金次硃砂皆可

迴廊曲檻

廊有二種繞屋環轉粉壁朱欄者多堦砌宜植吉祥繡墩草中懸紗燈十餘步一盞以佐黑夜行吟花香興到用別構一種竹椽無瓦者名曰花廊以木槿山茶槐柏等樹爲墻木香薔薇月季棣棠茶蘼葡萄等類爲棚下置石墩磁鼓以息玩賞之足

密室飛閣

几榻俱不宜多置但取古製袂邊書几一置於其中上設筆硯

香盆薰爐之屬俱宜小而雅別設石小几一以置茗甌茶具置小榻一以供倦時假臥跌坐不必挂畫或置古奇石以供檀香呂祖像或以佛龕供慈金大士像於上亦可

層樓器具

樓開四面置官棹四張圈椅十餘以供四時宴會遠浦平山領畧眺玩設棋枰一壺矢散盆之類以供人戲具筆墨硯箋以備人題咏琉璃畫紗燈數架以供長夜之餽古琴一紫蕭一以發客之天籟不尚伶人俗韻

懸設字畫

古畫之懸宜高。齋中僅可置一軸於上。若懸兩壁及左右對列最俗。須不時更換。長畫可挂高壁。不可用挨畫。竹曲挂畫桌上可置奇石。或時花盆景之屬。忌設朱紅漆等架。堂中宜挂大幅橫披。齋中密室宜小景花鳥。若單條扇面斗方挂屏之類俱不雅觀。有云畫不對景其言亦繆。但不必拘。挨畫几須離畫一分不致汙畫。

香鑪花餅

每日坐几上置矮香几方大者一。上設鑪一。香盒大者一。置生熟香小者二。置沉香龍涎餅之類。筋瓶一。每地不可用二。鑪更

不可置於挨畫桌上及瓶盒對列夏月宜用磁冬月用銅以
古舊之物不可用時鑑被畫花插花隨餅製置大小矮几之上
春冬銅器若磁者必須加以錫膽或水中置硫黃末秋夏用磁
室屋高樓宜巨書室山房宜小貴銅瓦賤金銀忌有環釧成對
花宜瘦巧不取煩雜每採一枝須擇枝柯奇古若二枝須高下
合宜亦止可一二種過多便如酒肆招牌矣惟藥苗草本插胆
餅或壁餅內者不論凡供花不可閉牕戶恐焚香烟觸卽萎木
仙尤甚亦不可供於畫桌上恐有領潑損畫

仙壇佛室

慕長生者。俱青年老子。一軸或純陽真劍圖。一必須宋元名筆。方妙。如信輪迴者。供烏絲藏佛一尊。以金鈔甚厚。慈容端整。妙相具足者。爲上。或宋元脫紗大紐。俱可。若香像。唐像。接引諸天等像。號曰一堂。并朱紅銷金雕刻等樹。道家三清。梓童。關帝等神。皆僧寮羽客所奉。非居士所宜也。此室位置。得在長松石洞。有石佛石几處更佳。案頭須以舊磁淨餅獻花。淨碗酌水。石鼎焚香。中點石琉璃燈。左旁置古倭漆經樹。以盛釋典。或山籙。右邊設一架。懸靈壁石磬。并幡幢如意蒲團几榻之類。隨便欵設。但纖巧。庭中列施食臺。臺下用古石座。石幢一幢。不植香艷名。

花

花園自供 五則

天然具

斫柏成屏牽蘿就幕瓜竹爲籬椅松作座山林真率自
覺天然。

桃核盃	古藤杖	木筆	蒲劍	松拂	碧筒	花壺蘆
書帶草	蕉扇	樓索	金燈	荷珠	菱荷衣	柏子香
錦帶	柳線	玉簪	茗甯	榆莢錢	柳實瓢	竹杖
麝盃	蓮房	吠針	珊瑚珠	御馬鞭	蘭佩	楓香

自來音

新鳴永巷角奏邊陲擊鼓寒總不入高人之夢惟是
一頃白雲橫窗衾枕數聲天籟惠我好音

松濤

竹笑

鶴鳴皋

燕呢喃

砧聲夜搗

蛙鼓

蛸簞

魚吹浪

輦啾啾

鐵馬驟風

雁警

石溜

吻鹿鳴

鵲驚枝

犬聲如豹

鶉唱

泉涓

蟬咽露

風度曉鐘

莎鷄振羽

百禽言

鼎沸笙歌不若枝頭嬌鳥候調鸚鵡何如燕語鶯鳴能
言之禽儘多若才羅其群毀其卵毋煩飲啄而自集長
鳴也

行不得也哥哥 屬屋不如我 都護從事 姑姑得過且過
鉤輪格磔 不如歸去 春去了 婆餅煎 泥滑滑 上山
看火 蛭上山結壘 使有此聲 莫損花 鷄果果 脫布衫 提壺簪
咬啖

白花釀

市醞村醪豈宜名勝。況園中自有芳香。皆堪採釀。既具

百般美酒何難一洗杜康。

椒柏酒 梅花酒 松液酒 柏葉酒 天門冬酒 茯苓酒

桑椹酒 竹葉酒 茴香酒 百靈藤酒 葛蒲酒 南藤酒

五加酒 荔枝酒 薏苡仁酒 枸杞酒 菊花酒 女貞酒

桂花酒 枸杞子酒 碧芳酒 蒲萄酒 豆淋酒 歸圓酒

生地黄酒 縮砂酒 玫瑰酒 豆勝酒

即炒芝麻同薏苡仁各二升生地入兩袋

酒。酒庫須近廚房左右。夏日合麴。冬日釀酒。隨意取麴造成。每甕止號明某酒。則開飲不差。

天然麴

馮樓遠眺花底家吟。中四時自有天然戲簡。可供

墨何煩。諸造色成

紅葉戲

和葉戲

梧桐戲

楠葉戲

楸葉戲

貝葉戲

紫葉戲

新葉戲

荇葉戲

蒲葉戲

秘傳花鏡卷之三

西湖花黑陳漢子訂輯

花木類攷

是編乃綠野名園所必需主人好花而不善植者所當細閱也然詳圖而畧農非棄本以趨末五穀簡而草木繁若不細審其性情分別其宜忌則萬卉千葩安望其色之妍香之濃葉之肥實之美耶今以不傳之秘公之同人則世無不生之花矣

松

松爲百木之長諸山中皆有之兩鬣三鬣而細者常松也五鬣
六鬣爲一朶葉者別名栝子松也潤澤厚葉者羅漢松也其實
礫石修養多節葉年皮粗如龍鱗葉細如馬鬣遇霜雪而不凋
歷千年而不頽其花色黃而多香但有粉而無鱗實似瘡心登
成鱗似秋老則子長鱗裂味最甘香可食海內子色黑
遠東子色黃千歲松
厓於天目武功黃山高不滿二三人性喜燥背陰生深巖石罅
上永不見肥故歲久不大可作天然盆栽又有赤松白松黃松
松之異惟剔牙松青皮而嫩稍傷其皮則脂易溜須以火鐵燙
止用糞泥密封方不洩氣用欲松假益必截去松之大根惟留

四旁根蟻則無不偃蓋矣種法於春分而浸于土其治畦下糞
浸撒畦內如種菜法其苗自生一切花木皆貴少壯獨松柏梅
等世人多貴蒼老古勁歲久松能化石脂能成珀如上有兔絲
則根下有茯苓爲仙家服食之藥其花亦可作粉食

栢

栢一名蒼官。一名栢與松齊壽。有扁栢。檜栢。黃栢。瓔珞栢之異。
惟扁栢爲貴。故園林多植之。因其葉側向而生。又名側栢。其味
微澁而甘香。道人多採作服食用。點茶湯。諸木向陽栢木西指
其性堅緻有脂而香。故古人破爲暢白用以擣鬱。三月開細鎖

花不甚可觀結實成球狀如小鈴霜後四裂中含數子大如麥粒亦自芬香仁亦道家所服食者檜柏體堅難長亦難萎黃木聳直而皮薄肌細葉至冬更青翠瓊栢枝葉俱垂下宜栽庭際皆無花有子峨嵋山有竹葉柏身老名竹柏稟堅凝之質不與羣卉同凋其小者止一二尺可作盆玩又乾陵有栢木之文理大者多爲菩薩雲氣人物鳥獸狀態分明徑尺一株可值萬錢栢性喜晒每年中用晒過糞水澆三四次則色鮮潤秋時剪小枝二三尺者插肥地亦活或收子至二三月間用水淘取沉者着濕地隔兩日再淘候芽出將剝熟地成畦以子勻撒其中

覆以細土二三日亦澆。苗出土後。須圍以短簾。防蝦蟆所食。

梓

梓一名木玉。林中有梓樹。諸木皆內拱。葉似梧桐。差小而無岐。春開紫白花如桐。極其爛熳。生莢細如箸。長尺許。冬底葉落。莢猶在樹。種法秋末冬初。取莢曝乾播種。一年薈之。二年方可移植。或交春斷其根。瘞於土。亦能發條。其葉飼豕最肥。

牡丹

牡丹爲花中之王。北地最多。花有五色。千葉重樓之異。以黃紫者爲最。自歐陽修作記後。人皆烘傳其名。遂有牡丹譜。今乃取

其一百三十一種詳釋於後其性宜涼畏熱喜燥惡濕根巢樂
得新土則茂懼烈風酷日須栽高廠向陽之所則花大而色妍
移植在八月社前或秋分後皆可根下宿土少留切勿掘斷細
根每種過先將白欽末一斤拌勻新土內因其根甜多引土蟻
蟻蟻蟲故用白欽殺之再以小麥數十粒撒下然後坐花於上以土覆滿復將牡丹
提與地平使其根直則易活不可踏實隨以天落水或河水灌
之子類母丁香而黑六月收置向風處晾一日以瓦盆拌濕土
盛之至八月中取其下水即沉者而畦種之待其春芽長大五
六月以葦箔遮日夜則露之至次年便可移植矣然結子畦種

不若根土生苗分植之便。其接換亦在秋社前後將種活五年以上小牡丹去地留一二寸。將利刀斜削去一半。再以佳種旺條截一段斜削去一半。上留二三眼貼於小樹上。合如一木。以麻縛定。用濕泥抹其縛處。兩瓦合之。內填細土。待來春驚蟄後出瓦與土。隨以草薦圍之。未有不活者。其花愈接愈好。昔張茂卿接牡丹於椿樹之上。每開則登樓宴賞。至今稱之。夏月灌溉必清晨或初更。必候地涼方可澆。八九月五七日一澆。十月十一月三四日一澆。十二月地凍止。可用猪糞壅之。春分後便不可澆肥。直至花放後。畧用輕肥。六月尤忌澆。澆則損根。來年無

花花未放時。去其瘦莖。謂之打刺。花將放。必用高幕遮日。則花耐久。開殘即剪。勿令結子。留子則來年不盛。冬至日以鍾乳粉和硫黃少許。置根下有益。如枝梗蟲蛙當尋其蛙眼。用硫黃或塞或熏。或用杉木作針。釘之自斃。性畏麝香。桐油。生漆氣。旁宜植遍身草。如無即種大蒜。葱韭亦可。不使亂草侵土。并熱手撫摩。若折枝挿瓶。先燒斷處。鏽蠟封之。可貯數日不萎。或用蜜養更妙。花開後蜜仍可。用養芍藥亦然。如將萎者剪去。不截。用竹架起。投水缸中。浸一宿。復鮮。一法以白末末放根下。諸般花色悉帶腰金。若北方地厚。雖無肥糞。即油粃肥壅之亦盛。不可一例論也。但忌大

三八月十五是牡丹生日。落下名園。有植牡丹數千本者。每歲盛開。主人輒置酒延賞。若遇風日晴和。花忽盤旋翔舞。香馥異。常此乃花神至也。主人必起具酒脯。雜拜花前。移時始定。歲以為常。

附牡丹釋名 共一百三十一種

正黃色 計十一品

御大黃

千葉似黃葵

姚黃

千葉樓子姚崇家

淡紫黃

平頭初黃後漸白

禁院黃

千葉起樓子

甘草黃

草葉深黃色

愛雲黃

大瓣千頭宜雨肥

黃氣毬

瓣圓轉淡黃

金帶腰

腰色深黃

女真黃

千葉而香濃喜陰

太平樓閣

千葉高樓

密嬌

本如楊葉

次長花五瓣蜜
色中有藍根極心

大紅色 計十八品

錦袍紅 卽游溪狀元紅 千葉樓朱砂紅 日照如猩 舞青倪中

五青 石榴紅 千焦樓九蓮珍珠 紅葉上有白點如珠 醉胭脂 千葉頭長

西瓜穰 內深紅 錦繡球 葉微小 羊血紅 千葉平 碎剪絨 葉

多缺 金線紅 平頭展上 七寶冠 千葉樓映日紅 千葉細 石家

紅 平頭千葉 鶴頂紅 心更紅 王家紅 千葉樓小葉大紅 頭小

難開

花色 計二十七品

蓮花紅有青跌西荷頭千葉難詩安紅平頭細葉添色紅初

後深鳳頭紅花高大大葉桃紅潤瓣樓梅紅千葉平頭西子

紅千葉圓花宜陰舞青霓千葉心吐西瓜紅胎紅而美人紅千葉軟

嬌紅樓臺千葉重游天霞平頭花輕羅紅千葉皺葉紅葉圓

紋宜陳州紅千葉以殿春芳晚開有花紅綉毬細瓣而四面

鏡有旋渦醉仙桃外白內山莊桃紅莖長有翠紅起樓難

嬌紅似魏紅而醒紅單葉紅花稍罌粟紅單葉皆魏家紅千

肉紅畧有紅稍開

粉紅色計二十四品

觀音面

千葉花
緊宜賜

粉西施

淡中微
有紅暈

玉兔天香

中二
如兔耳

玉樓春

于

多雨

素鸞嬌

千葉花

醉楊妃

千葉平頭

粉霞紅

千葉大

倒暈

檀心

外紅木紅

毬內紅

如毬外白

三學士

係三頭

合歡嬌

一帶雙頭者

醉春容

似醉西施

紅玉盤

平頭邊

玉芙蓉

成對則

鶴翎紅

于

細長木

西天香

開久露頂

紅玉盤

細紅玉

芙蓉

開宜陰

鶴翎紅

葉紅

如雲

滿園春

清明時

瑞露蟬

花中抽碧

疊羅

碎如羅

紋一捻紅

昔日貴妃

勻面脂

在手偶

印花上

來年

紫色

計二十六品

朝天紫

金紫如

夫人腰

金紫

腰間圍

金花狀元

微紫紫

紫重樓

集

樓最難開
葛巾紫
國山富
紫雪芳
千葉花中
紫羅袍
千葉
香

紫千葉小
茄花紫
千葉樓深
瑞香紫
淺紫大
舞青院
千葉有

陀褐紫
大綢色似
紫姑仙
大城樓
烟籠紫
千葉淺
潛溪緋
中

特出
紫金盤
千葉深
紫絳毛
即魏紫也
千葉樓子
檀心紫

者一二
紫金盤
紫宜陽
紫絳毛
葉肥大而圓
轉可愛
檀心紫

中有深
葉底紫
似黑紫
花在中
旁必生
潑墨紫
深紫色
鹿

胎紫
千葉紫
上有一
白點
魏家紫
千葉大
花平頭紫
即左紫

花大徑尺而
乾道紫
色稍淡
紫玉
千葉白
瓣中有
紫

齊如截
宜陽
乾道紫
而紫紅
紫玉
千葉白
瓣中有
紫

其幹亂生
成叢葉
齊小而
知厚花
千瓣粉
紫色合
細如叢
瓣細紋

白色
計二十二品

玉天仙多葉白慶天香千葉粉玉重樓千葉高樓線邊白邊

有綠蜜嬌姿初開微萬卷書即玉玲龍銀粧點千葉樓水晶

毬渡關仙玉剪裁如頭葉邊白青猊中有五蓮香白平頭花

伏家白猶如姚黃鳳尾白中有長玉盤詰多葉大玉版白單

細長如鸞羽白長盤心金絲白淡黃絲羊脂玉千葉樓子青

心白千葉青玉碗白單葉大平頭白花大尺許一百五多葉

黃蓮極心花最大此品

膏至一百五日先開

青色計三品

佛頭青一名歐碧群花綠蝴蝶一名夢綠華千鴨蛋青花青

謝後此花始開 鑷色微帶綠 如蛋

殷中
陰

牡丹花之五色燦爛其形其色其態度變幻原莫可名狀後之命名亦隨人之喜好約數百種然而雷同者亦不少茲存一百三十種尙有疑似處望博雅裁之

梅

梅一名栳一名蓀葉實花俱似杏差小而花獨優於香昔范石湖有梅譜約九十餘種大底一花二三名者多今特取其山林常有而人所常植者二十種詳釋於後梅本出於羅浮更嶺喜暖故也而古梅多著於吳下吳興西湖會稽四明等處每多百

年老幹其枝樛曲萬狀蒼蘚鱗皴封滿花身且有苔鬚垂於枝間長寸許風至綠絲飄動其樹枝四蔭週遭可羅坐數十人好事者多載酒賞之。燕梅爲天下尤物無論智愚賢不肖莫不慕其香韻而稱其清高故名園古刹取橫斜疎瘦與老幹枯株以爲點綴。早梅冬至前卽開晚梅春分時始放如多植則相繼而開最久性潔喜晒澆以塘水則茂肥多生蛭但結實微酸而酸之功用甚廣人多取焉食若畏酸同韶粉嚼則味不酸而牙不軟或以胡桃肉解齏楚音

附梅花釋名

共二十一種

諸色梅

綠萼梅

凡梅附蒂皆綠

重葉梅

花頭甚連千葉

玉蝶梅

花頭

微紅色甚

冠城梅

單葉者實大五月

消梅

即江梅花與冠城

照水梅

花開朵向小而奇品

鴛鴦梅

重葉數層紅艷黃香梅

名一

細梅

花小而心

品字梅

一花結三實但紅梅

丁葉實少來自

潯州杏梅

花而斑其味似杏

墨梅

此係練樹所接江梅

麗枝梅

花繁而蒂紫

但冰梅

實生葉鱗而不花色自融

鶴頂梅

花如常梅

紅冬梅

結實甚小十月

九英梅

此花為白樂天

朱梅

較之干

色更深

江梅

白花檀心紫蒂王

臺閣梅

花開後心中復有

根

梅出均州太和山相傳真武折梅枝種御樹上誓曰吾道若成花開果結後御果開梅結實至今尚在五龍宮北

蠟梅

蠟梅

俗作臘

一名黃梅。本非梅類。因其與梅同放。其香又相近。色

似蜜蠟。且蠟月開。故有是名。樹不甚大。而枝叢葉如桃。濶而厚。有磬口荷花狗英三種。惟圓瓣深黃。形似白梅。雖盛開如半含者。名磬口。最爲世珍。若瓶供一枝。香可盈室。狗英亦香。而形色不及近日圓瓣者。皆如荷花。而微有尖。僅免狗英者。皆由用狗英接換故也。若以子出。不經接過者。花小而香淡。其品最下。實如垂鈴。夏熟採取。試水沉者。種之多。生產荆襄。爲上。今南浙

亦盛其本宜過枝不宜接換。

山茶

山茶一名蔓陀羅樹高者一二丈低者二三尺枝幹交加葉似木樨潤厚而尖長面深綠光滑背淺綠經冬不凋以葉類茶故得茶名花之名色甚多姑列於後其開最久自十月開至二月方歇性喜陰燥不宜大肥春間臘月皆可移栽四季花寄枝宜用木體黃花香寄枝宜用茶體若用山茶體花仍紅色白花寄枝同上磬口花地口花宜子種以單葉接千葉則花盛而樹久以冬青接十不活一二。

附山茶釋名 共十九種

諸色茶花

瑪瑙茶 產溫州紅黃白鶴頂紅大紅蓮瓣中心塞寶珠茶子

撥簾股紅荏 焦萼白寶珠 雙寶珠 藍白楊妃茶 單葉花開最

正宮粉 賽宮粉 花皆粉 不榴牙 碎花 梅榴茶 青蒂而真珠

茶 淡紅 萊榴茶 有類山 腳躑躑茶 色深紅 串珠茶 亦粉 馨口茶

花辦皆 茉莉茶 色純白一名白菱一捻紅 白瓣有 照殿紅大

而且 晚山茶 二月開 南山茶 出廣州葉有 毛實大如拳

瑞香

瑞香一名迷葉花有紫白紅三色本不甚高而枝幹極婆娑。年發莖。結藥於葉頂。立春後卽開。花紫如丁香者其香更濃。葉邊有黃暈者名金邊瑞香。又有似楊梅葉者。或球子者。攀枝者。其性喜陰耐寒。然又惡濕。婦人多喜扦插。不宜糞澆。唯用澆衣垢水。或婦諸湯澆。或壅人頭垢則茂。芒種時剪取嫩條破開。放大麥一粒。用亂髮纏之。插入土中。根旁壅好。勿令見日。以垢水澆之。一云左手折花。隨卽扦插。勿換手種。無有不活。其根甚甜。多藏蚯蚓。必須以法去之。又名麝囊。能損花。宜另植。

結香

結香。俗名黃瑞香。幹葉皆似瑞香。而枝甚柔韌。可綰結。花色鵝黃。比瑞香差長。亦與瑞香同時放。但花落後始生葉。而香大不如。

迎春花

迎春花。一名腰金帶。叢生高數尺。方莖厚葉。開最早。交春即放。淡黃花。形如瑞香。不結實。對節生小枝。一枝三葉。候花放時。移栽肥土。或巖石上。或盆中。而柔條散垂。花綴枝頭。實繁且韻。分栽宜於二月中旬。須用燭牲冰澆方茂。

櫻桃

櫻桃一名櫻。又有荆桃。含桃。

謂鳥喜含。

崖蜜。蠟櫻。

色皆黃。

朱英。

色赤。

麥英。

數名。此木得正陽之氣。故實先諸果而熟。禮薦宗廟。亦取其先出也。本不甚高而多蔭。春初開白花。繁英如雪。其香如蜜。葉圓有尖。邊如細齒。結子一枝數十。有朱紫蠟三色。又有千葉者。其實少。但果紅熟時。必須守護。否則爲鳥雀白頭翁所食。無移也。枝節間有根鬚垂下者。二月間取栽於肥土中。常以糞澆之。卽活。若陽地種者。還種陽地。陰地種者。還種陰地。不可用糞。實熟時。當張簾箔以護風雨。一經雨打。則蟲自内生。人莫之見。須用水浸良久。候蟲出。方可食。

玉蘭

玉蘭古名木蘭。出於馬跡山。紫府觀者佳。今南浙亦廣有。樹高大而堅。花開九瓣。碧白色如蓮。心紫綠而香。絕無葉條。隆冬結蕾。一幹一花。皆看木末。必俟花落後。葉從蕾中抽出。在未放時。多澆糞水。則花大而香濃。但忌水浸。與木筆並植。秋後接換。甚便。其瓣擇洗精潔。搗麝麻油煎食。極佳。或蜜浸亦可。其製法與牡丹瓣同。

杏花

杏花有二種。單瓣與千瓣。劔州山有千葉杏花。先紅後白。但嬌

麗而不香。樹高大而根生最淺。須以大石壓根。則花易盛而結實。如繁其核可種。而仁不堪食。其可食者。係關西巴旦杏。八片實小而肉薄。核內仁獨甘美。點茶上品。梅杏黃而帶酢。沙杏甘而有沙。木杏扁而青黃。奈杏青而微黃。又一種金杏。圓大如梨。深黃若金橘。每種將核帶肉埋於糞土中。任其長大。來年須移栽。若不移過。則實小味苦。又不可栽密密。則難長。少實者李冠卿家有杏。花多不實。一媒妁見而笑曰。來春與嫁此杏。冬至忽攜一樽酒過云。婚家撞門酒也。索處子紅裙繫樹。祝曰。青陽計令。庶葉惟新。木德備仁。更壯於春。森森柯幹。簇簇繁陰。我今嫁

滋萬億子孫。明年結子果多。相傳爲韻事。

丁香

丁香一名白結。葉似茉莉。花有紫白二種。初春開花。細小似丁香。常帶而生於木枝。其瓣柔色紫清香襲人。接分俱可。但畏濕而不宜大肥。

辛夷

辛夷一名木筆。一名望春。較玉蘭樹差小。葉類楠而長。隔年發。莖有毛。儼若筆尖。花開似蓮。外紫內白。花落葉出而無實。別名侯桃。俗呼猪心花。又有紅似杜鵑者。俗呼爲石薔。其本可接。

蘭亦宜斫條打插。可同玉蘭並植。至秋後過枝即生。皆可變爲玉蘭。多澆糞水。則花大而香濃。人多取蔬合香。

杜鵑

杜鵑一名紅躑躅。樹不高大。重瓣紅花。極其爛漫。每於杜鵑啼時盛開。故有是名。先花後葉。出自蜀中者佳。花有十數層。紅艷比他處者更佳。性最喜陰而惡肥。每早以河水澆置之樹陰之下。則葉青翠可觀。亦有黃白二色者。春鵲亦有長夾餘者。須種以山黃泥澆。以羊糞水方茂。若用映山紅接者。花不甚佳。切忌糞水。宜豆汁澆。

桃

桃爲五木之精。能制百鬼。乃仙品也。隨處有之。枝幹扶疎葉狹而長。二月開花。有紅白粉紅深紅之殊。他如單瓣大紅。千瓣粉紅。千瓣白之變。爛熳芳菲。其色甚媚。花最易植。木少則花盛實。甘子繁。性早實。三年便結子。太七年卽老。結子便細。十年後多枯。其皮最緊。若四年後用刀剖樹木。豎剖其皮。至生枝處。使膠盡出。則皮不脹不死。多有數年之活。傳云千歲桃。豈尋常之物。惟仙家稱之。究竟桃無久壽。而種類甚多。詳載於後。種法取佳種。熟桃連肉埋糞地中。尖頭向上。覆熟肥土尺餘。至春發生。帶

土後栽別地則旺若仍在舊地則實小而苦。凡種桃淺則出深則不生。故其根淺不耐久。近得所傳云。於初結實次年砍去其樹復生又斫又生。但覺生風即斫令復長。則其根入地深而盤結自固。百年猶結實如初。又桃實太繁則多墜。於社日春根下土石壓其枝則不落。桃子若生蟲以糞猪首淡汁冷澆之自無。如生蚜蟲以多年竹燈挂懸樹稍開則蟲自落。

附桃花釋名 共一十四品

諸色桃

日月桃

其種一校有二
花或紅或白

崑崙桃

一名王母桃出洛中表裏皆赤冬熟巨核桃下

結花大暑方滿仙桃花最稠密其
熟出常山曰仙桃色則深紅人面桃
實又名美人桃毛

桃毛核精味劣不堪
雜桃即葉深紅開花如剪
金桃出太原

黃以補接之
鴛鴦桃葉深紅開花如剪
銀桃單葉實圓色青白

熟不
雪桃即十月結花氣形圓
水蜜桃

出上海
油桃有赤白
新羅桃單葉紅花

其味甜如蜜
青桃紅花實狀
蟬桃似蟬葵亦

性獨
扁桃出波斯國形扁而
雷震紅雷雨過輒見一
蟬桃

桃有尖如鷹嘴狀
餅子桃如香饅味甘
墨桃花色紫黑

實種雖
白毛桃單葉結實繁
胭脂桃熟時其色如胭脂壽

皇桃枝大
五瓣色青黃

金絲桃

金絲桃一名桃金娘。出桂林郡。花似桃而大。其色更顯中。葉純紫。心吐黃鬚。鋪散花外。儼若金絲。八九月實熟。青紺若牛乳狀。其味甘可入藥用。如分種。當從根下劈開。仍以土覆之。至來年移植便活。

夾竹桃

夾竹桃本名柗那。自嶺南來。夏間開淡紅花。五瓣長筒微尖。一朵約數十萼。至秋深猶有之。因其花似桃。葉似竹。故得是名。非真桃也。性惡濕而畏寒。十月中卽宜置向陽處。以避霜雪。最喜

者肥不可缺。壅冬逢和暖日，微以水潤之。但水多則恐水凍而死。分法在李春以大竹管韜於枝節間，用肥土填貯，朝夕不失水。久之根生，截下另植，遂可得種矣。今人於五六月間，以此花埋茉莉婦女簪髻，嬌暴可損。

李花

李樹大者有一二丈，性較桃則耐久，可活三十餘年。老枝雖枯，子亦不細。花白小而繁，冬開如雪。其實名不一，有木李、青霄、御黃、均亭夫人。皮青肉紅皆李之上品也。紫粉、小青、白李、杏李、馬肝、牛心扁縫、鼠精、朱李、饅李。肥糯似饅乃李之下品也。又麥李紅而甜。麥秀

其分根種接之法皆與桃同故不贅但培壅宜猪穢不可用糞如少實於元旦五更將火把四面照看謂之秣李當年便生若以桃接則生子紅而甘

梨花

梨一名果宗一名玉乳處處有之其木堅實

扶疎似杏而微厚大二月開花六出似杏花稍

香不香之別上巳日無風則結實必佳其果名

細葉梨芳梨實青梨實胸山梨大谷梨張公梨夏熟

蜜梨甘棠梨鵝梨皮薄而香秋白梨紅消梨出蕭縣太師梨乳梨出

城皮厚實極稍梨形似其香水梨出北地品壓沙梨極

而肉實極棒梨形似其香水梨出北地品壓沙梨極

棒梨鳳棲梨綿梨水梨最赤梨鹿梨葉如茶而實小紫梨花以

色紅以上諸品或形色或香味種種不同每類生十餘子種之

唯一二生梨餘皆生杜植法用最熟大梨全埋經年至來春生

芽次年分栽之多著肥水及冬葉落附地刈殺之以炭火燒頭

二年即開花接法在春秋二分時用桑木或棠梨或杜接過其

實必次史記云淮北柴南河濟之間家植子梨其人與千戶

等又陵山中多紅梨花且有千葉者時司馬溫公曾作詩

贊之昔梁緒於花開時折花簪多壓損
美談。

至頭不能舉人爲

木瓜

木瓜一名櫛一名鐵腳梨。獨蘭亭宣城者爲最。樹高丈餘。葉厚而光。狀如海棠。及奈春深未發。葉先有花。其色深紅微帶白。實大如瓜。小者如拳。皮黃似著粉。香最幽甜。而津潤有鼻者木瓜。無鼻而瀟者木李。比木瓜小而酢澀者木桃。惟木瓜香而可食。宜州人種滿山谷。每實將成。好事者鏤紙花粘瓜上。夜露日照漸變紅花色矣。其文如生。本州用充土貢。名爲花木瓜。樹可以

子種亦可接壓。在秋社前後移栽者。較春栽更盛耳。畏日喜肥。更宜去糞。其直枝可作杖。謂老人策之利筋脉。實可浸酒或蜜漬爲果亦佳。蜜漬法。先切去皮煮令極熟。多換水浸。使拔去酸澁之味。然後用生蜜蒸成煎。將木瓜晾乾投於蜜瓶中。藏之經久不壞。而香馥猶存。昔天台山石罅有木瓜一株。花時一巨蛇盤其上。至實落供大士。後乃去。號爲護聖瓜。

棠梨

棠一名棠棣。卽棠梨也。樹如梨而小。葉似蒼朮。亦有圓者。三叉者。邊有鉅齒。色黝白。二升開小白花。實如小棗子。生青熟紅。亦

有黃白者。土人可爲山查果。味酸而澁。採之入藥。兼可製爲糖食。取花日乾。瀹之。亦能克蔬。若以此接換梨。或林擒。與西湖海棠。氣質極其相宜。

郁李

郁李。一名棠棣。又名夫移喜梅。俗呼爲壽李。樹高不過五六尺。枝葉似李。而小實若櫻桃。而赤味酸甜可食。其花反而後合。有赤白粉紅三色。單葉者。子多。千葉者。花如紙剪。簇成。色最嬌艷。而止承下。覆繁縟。可觀。似有親愛之義。故以喻兄弟。周公昔賦棠棣卽此。性潔喜暖。春間宜栽。高燥處。澆以清水。不用大肥。仁

可入藥。

貼梗海棠

海棠有數種。貼梗其一也。叢生。單葉。綴枝作花。磬口深紅。無香。不結子。新正卽開。但取其花早而艷。不及西府之嬌媚動人。二月間。于根傍開一小溝。攀花着地。以肥土壅之。自能生根。來冬截斷。春半便可移栽。其樹最難大。故人多植作盆玩。近法皆不用壓。直於根上分栽。而分必須正月中浣。性不喜肥。頗畏寒。宜避霜雪。亦有四季花者。

西府海棠

西府海棠一名海紅樹高一二丈其木堅而多節枝密而條暢葉有類杜二月開花五出初如胭脂點點然及開則漸成纈暈明霞落則有若宿粧淡粉蒂長寸餘淡紫色或三萼五萼成叢心中有紫鬚其香甚清烈至秋實大如櫻桃而微酸宜種壚壤膏沃之地如花謝後結子卽當剪去則來年花盛而葉遲可愛若以棠梨接之卽活又一種黃海棠葉微圓而色青初放瑣黃色盛開便淺紅矣

垂絲海棠

海棠之有垂絲非異類也蓋由櫻桃樹接之而成者故花梗細

花鏡

卷之三

海棠

子

長似櫻桃。其瓣叢密而色嬌媚。重英向下。有若小蓮。微遜西府。一籌耳。世謂海棠無香。而蜀之潼川昌州海棠獨香。不可一例論也。按法詳十八法內

林檎

林檎一名來禽。

因其能來衆鳥於林

一名冷金丹。卽奈之類也。二月開粉

紅花似西府。但花六山實則圓而味甘。非若奈之實長而味稍

苦。果之香甜可口。五月中熟者。蜜林檎爲第一。金林檎以花爲

重。唐高宗時李謹得五色林檎以貢。

有金紅水蜜黑五色之異

帝悅。賜謹以

文林郎。因名爲文林郎果。但此木非接不結。多以奈樹搏接之。

其法與棧梨同臘月可將嫩條移栽若樹生毛蟲即蠶紙於樹下或燒魚肝水可除好事者以枝頭向陽好實於未熟時剪紙爲花貼於其上待紅熟時猶若花木爪樣入盤何可愛又四月收林檎一百內取二十枝槌碎入水同煎候冷納甕中浸之舊封其口久留愈佳

奈

奈一名頻婆。

係梵音也。言端好也。

江南雖有而北地最多。與林檎同類有

白赤青三色。白爲素奈。涼州有大如兔頭者。赤爲丹奈。青爲綠奈。皆夏熟。涼州又有一種冬奈。十月方熟。子帶碧色。又士林苑

有紫奈大如升。核紫花青。其汁如漆。著衣便不可浣。名脂衣奈。此皆異種也。西方奈多。家家收切。曝乾爲脯。數十百餅。以爲蓄積。謂之貽婆糧。

文官果

文官果產於北地。樹高丈餘。皮粗多皴。木理甚細。葉似榆而尖長。周圍鉅齒紋深。春開小白花。成穗。每瓣中微凹。有細紅筋貫之。蒂下有小青托。花落結實。大者如拳。一實中數隔間。以白膜仁。與馬櫛榔無二。裹以白軟皮。大如指頭。去皮而食其仁。甚清美。如每日常澆。或雨水多。則實成者多。若遇旱年。則實糲。

小而無成矣。

山楂

山楂一名茅楨樹。高數尺。葉似香薷。二月開白花。結實有赤黃白三色。肥者如小林檎。小者如指頂。九月乃熟。味似榧子而微酢。多生於山原茅林中。獼鼠喜食。小兒以此爲戲果。

山躑躅

山躑躅俗名映山紅。類杜鵑花而稍大。單瓣。色淡。若生浦山頭。其年必豐稔。人競採之。亦有紅紫二色。紅者取汁可染物。以羊糞爲肥。若欲移植家園。須以本山土壅始活。

粉團花

粉團一名繡球。樹皮體皴。葉青而微黑。有大小二種。麻葉小花。一帶而衆花攢聚。圓白如流蘇。初青後白。儼然一毬。其花邊有紫暈者爲最。俗以大者爲粉團。小者爲繡毬。閩中有一種紅繡球。但與粉團之名不相侔耳。蘇。海桐俱可接繡毬。

八仙花

八仙花卽繡球之類也。因其一帶八蕊。簇成一朵。故名八仙。其花白瓣薄而不香。蜀中紫繡球卽八仙花。如欲過貼。將八仙移就粉團樹畔。經年性定。離根七八寸許。如法貼縛。水流至十月。

候皮生截斷。次年開花必盛。昔日環花至元時已朽。後人遂將八仙花補之。亦八仙之幸也。

紫荊花

紫荊花一名滿條紅。花叢生深紫色。一簇數朵。細碎而無瓣。膠無常處。或生本身。或附根枝。二月盡卽開。柔絲相繫。故枝動。花朵嬌。鷗若不勝。花謝後葉出。光緊微圓。根旁生枝。可以分種。性喜肥。畏濕。若與楝棠並植。金紫相映而開。更覺可人。冬取其焚種肥地。交春卽生。昔臨潼田真兄弟分居。復合。荊枯再榮。勿謂草木無情也。

金雀花

金雀花。枝柯似迎春。葉如槐而有小刺。仲春開黃花。其形尖而旁開兩瓣。勢如飛雀可愛。乘花放時。取根上有鬚者。栽陰處。卽活。用鹽湯焯乾。可作茶供。

山礬花

山礬花。一名芸香。一名鄭花。多生江浙諸山。葉如冬青。生不對節。凌冬不凋。三月看白花。細小而繁。不甚可觀。而香馥最遠。故俗名七里香。北人呼爲瑒花。其子熟則可食。土人採其葉以煮黃。不借礬力而自成色。故名山礬。二月中可以壓條。分栽。

旁中久而益香。放床席下去。豕祇就書飲。辟蠹魚。

桑

桑之功用甚大。原非玩好之本。此獨不遺者。以存圃中之本務也。其種類稍異。白桑葉大如掌而厚。雞桑葉細而薄。子桑先植後葉。山桑葉尖而長。女桑樹小而條長。壓桑材中。少等絲中。琴瑟橫桑似赤棘。以子種者。不若壓條之易大。若以構接則葉大。根下埋錐印。則茂盛。不蛀。又桑生黃衣。謂之金桑。其木必稿。葉傳創蠶。一歲三採更盛。二云蝗之所至。無葉不食。獨不食桑。亦造物之靈也。握桑條宜燥。二則根易生。

佛桑花

佛桑一名扶桑。枝頭類桑。而花。花色殷紅。似芍藥。差小而輕柔。過之。則當春末秋初。五色婀娜可愛。有深紅。粉紅。黃白。青色。數種。非單葉重葉之異。今北地亦有之。皆自南方移植者。但易凍死。逢冬須密藏之。

南天竹

南天竹一作一名大椿。吳楚山中甚多。樹高三五尺。歲久亦有長至丈者。但不易得耳。糯者矮而多子。粳者高不結實。葉似苦棟而小。經冬不凋。實幹數枝。三四月間開細白花。結子成筩。至

冬漸紅如丹砂雪中甚是可愛亦可製食其性喜陰而惡濕用山黃泥種背陰處自茂不宜澆養常用肥土或鞋底泥壅之若澆只宜冷茶或臭酒糟水退雞糞毛水最妙人多植庭除間不特供玩好尤能辟火災若秋後見其幹留取孤根俟春生後遂長條肄而結子則本低矮而實繁可作盆中冬景

合歡花

合歡一名蠅忿生益州及近京雍洛間樹以梧桐枝甚柔弱葉類槐葉細而繁每夜枝必互相交結來朝一遇風吹卽自解散了不牽綴故稱夜合又名合昏五月開紅白花瓣上多有絲茸

實至秋作菓子極薄細人家第宅園池間皆宜植之能令人消
愁冬月可以分栽分汁搗爛絞汁洗衣最能去垢

栲

栲

一作漆

生蜀漢江浙等處木高二三丈皮白葉似椿花似槐子

若牛李木心黃可作杖夏至後以剛斧斫其皮將竹管承取其

汁用漆器具甚妙

漆若不取多自乾

柿

柿朱果也葉似山茶而厚大四月開黃白小花結實青綠九月

微黃即搗少藏數日即便紅熟甜美可啖但未熟時最澀將木

瓜三兩枚雜於生柿籃中數日或以植楮置其中亦能去蟲產
青州者更佳。占云柿有七絕。一樹多壽二葉多蔭三無鳥巢四
少蟲蠹五霜葉可玩六嘉實可登。但不可與蠟同食七落葉肥厚可以
臨書如冬間核種待長移栽不若春後用枰柿接或取好杖於
輦棗根上接最妙。大凡柿接三次過則核全無矣。蓋柿之種類
不一。有紅柿烏柿黃柿牛奶蒸餅八稜方帶圓蓋塔柿等名色
未有文而根最固俗謂之柿盤。別有一種枰柿葉上有毛實皆
青黑最不堪食。止可收作柿漆。八月間用枰柿搗碎每柿一升
用水半升釀四五時。搾取漆令乾添水再取傘扇全賴此漆糊。

成也。

柳

柳一名官柳。一名垂柳。本性柔脆。此土最多。枝條長軟。葉青而
狹長。初春生柔黃。粗如筋。長寸許。開黃花。鱗次黃。土甚細碎。以
漸生葉。至暮春葉長成。花中結細子。如粟米大。扁小而黑。土帶
白絮如絨。俗名柳絮。隨風飛舞。凡著毛衣。卽生蛙蟲。人池沼卽
化浮萍。此乃官柳也。若叢葉成陰。長條數尺。或至丈餘。孌孌下
垂者。此爲垂柳。雖無香艷。而微風搖蕩。每爲黃鸝交語之鄉。吟
蜚托息之所。人皆取以悅耳娛目。乃園林必需之木也。種法在

人多以糖製或蜜浸其用甚廣誠佳果也。一種香橙似蜜橙小而皮薄味酸。花皆類橘葉亦有尖一種鱗橙即臭橙。北蜜橙皮鬆味辣無所取用。蜀有給客橙似橘而實非若柚而獨香。冬夏花實相繼通歲得以食之亦名盧橘。

金柑

金柑一名金橘。一名瑞金奴。生江浙用廣間其樹不甚大。而葉細婆娑如黃楊。夏開小白花秋冬實熟則金黃色大如指頭或如彈丸更有小如豆者皆皮薄而堅肌理瑩細其味酸甜而芳香可口。一種牛奶柑形長如牛乳但香味稍劣。又一種名金豆

和樹只尺許。結實如櫻桃。皮光而味甜。植於盆內。冬月可觀。多產於江南太倉。與浙之寧波。又一種蜜羅柑。其大似香櫞。而皮皺。味更香美。生於浙之金衢。皆以四月前接

香櫞

香櫞俗作

一名枸櫞。木似橘。而葉畧尖長。枝間有刺。花之色與

香亦類橘。其實正黃色。有大小二種。皮光細而小者爲香櫞。皮粗而大者爲朱欒。香味不佳。惟香櫞清芬襲人。能爲案頭數月。清供。瓢可作湯。皮可作糖片。糖丁。葉可治病。其樹必待小鳥作巢後。方得開花結實。亦物類之感召也。下子亦易出。

橘一名木奴。大曰橘。小曰柚。多生南方暖地。本高二三丈。刺出莖間。葉冬不凋。初夏開小白花。其香甚觸。六七月成實。交冬黃熟。福橘大而紅。爲諸橘之最。溫衢者亦佳。其類甚多。韓彥直有橘譜可考。今錄其要有朱橘。密橘。乳橘。芳塌橘。包橘。綿橘。沙橘。早黃。穿心。波斯。荔枝。臘花。甜凍橘。盧橘等。至如油橘。則最下之品也。春初取核撒地。待長三尺許。移栽。宜於斥鹵之聽。忌用猪糞。夏時澆以糞水。則葉茂而實繁。性畏霜雪。至冬以河泥犬糞壅其根。以爲來年之益。稻草裹其幹。則不凍死。若在閩粵。則不然也。其木有二病。蘚蟲蠹是也。幹生苔蘚。須速刮去之。見蛙屑。

飄出必有蟲穴以鈎索之。再用杉木釘塞其孔。經云橘踰淮而爲枳。則枳卽橘之變種也。故其木與花葉皆類橘。惟所結子不同。橘有瓢可食。枳則皮粗厚。肉實而不堪食。只可入藥用。其樹多刺。最宜編籬。凡過早以米泔水澆。則實不捐落。根下埋死鼠。則結實加倍。藏橘於綠豆內。至春盡不壞。橙相亦然。若見糯米卽爛。

橙

橙一名蜜橙。一名金毬。樹似橘而有刺。葉長有兩刻缺。如兩段者。實似橘而微大。經霜則黃。皮皺厚而甜。香氣馥郁。但瓢稍酸。

臘月斫幹。蟠其小焦而扞之。如劈開其皮夾月草一片入土。則不生蟲。壅土宜實。種後若不動搖。雖縱橫顛倒。插之盡活。乃最易生之物也。昔人因其花似絮。故有飛綿飛絮寒無用如雪如霜暖不消之咏。

楊

楊有二種。白楊葉芽時。便有白毛。及盡展。似梨葉長而厚。而淡青而背白。蒂長兩兩相對。遇風則窸窣有聲。人多植之墳墓間。高可十餘丈。又青楊樹。彼白楊較小。葉似杏葉而稍長大。色青綠。本亦聳直。大槩柳枝長脆。葉狹長。楊枝短硬。葉圓潤。柳性耐

水楊性宜旱二木迥不相侔何可因其並稱而遂認爲一木耶
特表而出之赤者近水生根須可樹以護墻堤。

檉柳

檉柳一名觀音柳一名河西柳幹不甚大赤莖弱枝葉細如絲
縷婀娜可愛一年作三次花花穗長二三寸其色粉紅形如蓼
花故又名三春柳其花遇雨卽開宜植之水邊池畔若天將雨
檉先起以應之又名雨師葉經秋盡紅負霜不落春時杆鋪易
活

楠枳

佛手柑

佛手柑一名飛穰。產閩廣間。樹似柑而葉
近水乃生。結實形如人手。指長有五六寸者。其皮生綠熟黃色
苦澁而光澤。氏肉白而無子。雖味短而香馥最久。置之室內。箇
中其香不散。南人以此雕鏤花鳥。作蜜煎果食。甚佳。

檳榔

檳榔一名馬金南。生南海。今嶺外皆有。木大如桃榔。高五七丈。
初生若竹竿。積硬引莖直上。有節而無旁枝。柯條從心生。端頂
有葉似芭蕉。條脉開破。風至則如羽扇。三月葉中腫起一房。因

自折裂出穗。凡數百實。其大如李。皆有皮殼。又生刺重累於下。以護其實。五月成熟。剝去其皮。煮肉曝乾。交廣人邂逅設此代茶。食必以扶留。藤牡蠣灰同咀嚼之。吐出紅水一口。則柔滑甘美。不澀又大。腰子。卽豬腰。榔形扁而味澀。必須薑葉與蛤粉。卷和而食。

虎刺

虎刺一名壽庭。本生于蘇杭蕭山。葉微綠而光。土有一小刺。夏開小白花。花開時子猶未落。花落後復結子。紅如珊瑚。其子性堅。雖嚴冬厚雪不能敗。性畏日喜陰。本不易大。百年者止高二

三天春初分栽。亦多不活。用山泥。忌寒水。并人口中熱氣相冲。宜澆梅水及冷茶。吳中每栽盆內。紅子累累。以補冬景之不足。

蜜蒙花

蜜蒙花生益州及蜀之州郡。木高丈餘。葉似冬青而厚。背白色。有細毛。花微紫色。二三月採花暴乾。則味甘甜如蜜。其花一朵有數十房。蒙蒙然細碎。故有是名。

平地木

平地木高不盈尺。葉似桂。深綠色。夏初開粉紅細花。結實似南天竹子。至冬大紅。子下綴可觀。其托根多在甌蘭之傍。虎刺之

下。及巖壑幽深處。二三月分栽。乃點綴盆景必需之物也。

梔子花

梔子花一名越桃。一名林蘭。樺號簪簪。小木也有三種。單葉小
花者結子多。千葉大花者不結子。色白而香烈。又有四季花者
亦不生山梔。徽州產一種矮樹梔子。高不盈尺。盆玩清香動人。
夏花潔白而六出。秋實丹黃有稜。可染黃色。亦可入藥。昔孟景
十月家芳林園賞紅梔子花。清香如梅。近日罕見此種。冬初取
子。驅龍來春畦種。覆以灰土。如種茹法。次年三月移栽。至四年
即開花結實矣。又梅雨時隨花剪打肥地亦活。若干葉者宜土

壓。旁生小枝。久則根生。分栽自活。惟布喜糞。惟以輕肥灰之。自
茂。若太肥。又恐生鼠。一法。苦種時。穴一腐板。泥塗。剪枝種其
土。浮置水面。候其根生後。移而種之。

石榴

石榴。一名丹若。一名金罌。又一種味最甜者。名天漿。其種自安
石國。張騫帶歸。今隨在有之。樹高二三丈。梗紅葉綠而狹長。其
花單葉者結實。千葉者不結實。性宜砂石。柯枝附幹。自地便生
作叢。孫枝甚繁。種極易息。惟山種者實大而甘。千葉同膜。千葉
如一花有數色。千葉大紅。千葉白。或黃或粉紅。又有並蒂花者。

南中一種四季花者。春開。夏實之後。深秋忽又大放。花與子並
 生枝頭。碩果饒繁。而其傍紅英燦爛。併花折挿瓶中。豈非清供
 乎。又一種中心花瓣如起樓臺。謂之重臺榴。花頭最大。而色更
 紅艷。海榴花與萼皆大紅。心內鬚黃如粟。密又有紅花白綠白
 花紅綠者。亦異品也。其實可禦饑渴。醒酒漿。解醒療病。栽以三
 月初。取嫩枝如拇指大者。斫令長一尺半。八九枝共爲一窠。燒
 下頭二寸許。不燒恐漏汁。難活。掘圓深坑一尺七寸。口徑八寸。豎
 於培壅。環石枝令勻。正置。枯骨殭石於枝間。骨石乃樹性所宜也。下肥土
 築之一重。土間一重。骨石至平坎乃止。其土令淺。枝頭過一寸

許水澆常令潤澤。若已生葉。又將寄石布其根。王則柯圓枝茂可愛。其孤根獨立者。雖生亦不佳。十月終以蒲葉裹其木而纏之。不致凍壞。至二月初解放。若以大石壓其根上。則實繁而落性喜暖。雖酷暑烈日中。亦可澆以水。莖

火石榴

火石榴以其花赤如火而得名。究不外乎榴也。樹高不過一二尺。自能開花結實。以供盆玩。亦有粉紅純白者。皆可入目。若嫌其葉多花少。嘗摘去嫩頭。偏於烈日中以肥水澆之。則花更茂。亦物性使然也。大抵盆種土少力薄。更不耐寒。逢冬必須收藏。

房簷之下。庶不凍壞。養盆榴法。無間寒暑。以肥爲上。盛夏置之架上。或屋上。使不近地氣。則枝不大長。若蟻蚓作穴。用米泔水。沉沒花盆。浸約半時。取出日晒如土乾。又復浸之。則無矣。倘發甚太密。須掐去其半。則花開始有精神。結實不至半大便落。又有一種細葉柔條者更佳。多產楊州。

櫻

櫻樹有二種。青皮棟。堅紉可爲器具。其皮肉俱青色。火棟。性質輕脆。其皮肉皆紅。樹高一二丈。葉密如槐而尖。夏開紅花。紫色。一指數朵。芳香滿庭。實如小鈴。生青熟黃。又名金食子。鳥雀喜食。

喜食之。故有鳳凰非楝實不食之語。江南自春至夏有二十四
番花信風。梅花爲首。楝花爲終。實熟鳥不食者。俗名苦楝子也。
木有雌雄。雄者根赤無子。

棗

棗一名木蜜。樹堅直而高大。身多刺而少橫枝。葉細而有尖。四
五月開小淡黃花。香味甚濃。北地最廣。而青晉降州者更佳。今
實之鮮者。通謂之白蒲棗。乾者率自河南山東北直諸處產。而
青州樂氏棗爲最。浙之金衢紹出南棗。獨浦江者甘膩似蜜。雲
棗而形長大。蜜雲雖小而核細肉甜。羊棗實圓而紫黑色。江寧

密坊棗與膠棗無皮核而人多重之。又東海有棗五年一實。實類甚多不能詳載。其實未熟雖擊不落。已熟不擊自落。凡種擇鮮棗之味美者。交春種下。候葉一生。卽便移栽。三步植一株。行欲相當地不必耕也。每蠶入簇時。以杖擊其枝間。使振去狂花。則結實繁而且大。又於白露日。根下過堆草焚之。以辟露氣。使不至於乾落。至正月初一。早以斧背斑駁槌之名曰嫁棗。本年必花盛而實繁。俗云移棗樹三年不發。不第死。亦有久而復生者。又東海之中有水赤棗。華而不實。

椿附而

椿俗名香椿。樹高聳而枝葉疏。無花而不結莢者是也。其與土孫枝。春秋二分日移植卽活。其嫩葉初放時。土人摘以佐庖點茶。香美絕倫。一種似椿而葉臭。有花而結莢者。俗呼爲臭椿。是樗非椿也。江東人呼爲虎目。葉脫處有痕柘似也。

楓

楓一名葉香木也。其樹最高大。似白楊而堅。可作棟梁之材。葉小有三尖角。枝弱善搖。二月開白花。旋即着實。圓如龍眼。上有芒刺。不但不可食。且不中看。惟焚作香。其脂名白膠香。一經霜後。葉盡皆赤。故名丹楓。秋色之最佳者。漢時殿前皆植楓。故人

號帝居爲楓宸。一云楓脂入地千年卽成琥珀。又有一種小楓樹高止尺許老幹可作盆玩。

楮

楮一名穀。樹有二種。一雄皮斑而葉無極久。三月開花卽成長穗似柳花而無實。一雌皮白中有白汁如乳。葉有極久似蒲蒿。開碎花結實紅似楊梅。但無核而不堪食。皮可作紙。汁可充膠。十二月內將子淘晒過種卽生。亦可佐服食。

梧桐

梧桐一名青桐。一名櫟木。無節而直生。理細而性緊。皮青如翠。

葉缺如花。妍雅華淨。新發時。賞心悅目。人家軒齋多值之。

開花嫩黃。小如棗花。墜下如璣。五六月結子。蒂長三寸許。

合成老則開裂如箕。名曰囊鄂子。綴其上。多者五六。少者二三。

大如黃豆。雲南者更大皮乾則皺而黃。其仁肥嫩而香。可生噉。亦可

炒食。點茶。此木能知歲時。清明後。桐始華。桐不華。歲必大寒。立

秋是何時。至期一葉先墜。故有梧桐一葉落。天下盡知秋之句。

每枝生十二葉。一邊六葉。從下數一葉爲一月。有閏則十三葉。

視葉小處。卽知閏何月也。二三月畦種。如種葵法。稍長。移種背

陰處。方盛。地喜實。不喜鬆。凡生岩石上。或寺旁。時聞鐘磬聲者。

採東南大枝爲琴瑟。音極清麗。別有白桐、油桐、海桐、刺桐、蘋桐、紫桐之異。惟梧桐世人皆尚之。又一種最小者。因取其婆娑暢茂。堪兒盆玩。

楊梅

楊梅一名枕音求。爲吳越佳果。樹若荔枝而小。葉細陰厚。至冬不凋。隔年開花。結實如穀樹子。而有核與仁。生青熟紅如鶴頂狀。亦有紫白色者。肉在核上。無皮殼而有仁可食。以糯漆拌核暴之則自裂仁出大畧生太湖杭紹諸山者。實大肉鬆。核小而味甘美。餘雖有實小而酢。止堪鹽淹蜜漬。火薰而已。種法六月間將子於糞坑內

浸過。收盒待來年二月。以青石屑拌黃土。

種之待長尺許。

於次年三月移栽。澆以羊糞水。自盛四年後。取別樹生子好枝。接之。復栽山黃泥地。移時根下須多留宿土。臘月開溝於根旁。高處離四五尺。以灰糞壅之。不可着根。每遇雨肥水滲下。則結實必大而甜。若以桑樹接楊梅。則不酸。如樹生癩。以甘草削釘釘之。卽愈。春分前海桐可接。

橄欖

橄欖一名南威。一名味諫。俗呼青果。生嶺南及閩廣諸州郡。有五種。丁香欖。故欖。絲欖。新婦欖。樹似木樨。聳直而枝高。其

大有數圍者。春開花似楊。其香甚甜美。實長寸許。其形似梭而兩頭銳。核內無仁。而有三竅。深秋方熟。入口雖酢。後漸清芬。勝於雞舌者。凡實先生者。向下後生者漸高。有樹大不可梯者。將熟時。以木釘釘之。或於根旁刻一方寸坎。納鹽其中。一夕後。實皆自落。木亦無損。其尖而香者。名丁香橄欖。最爲珍品。圓而大者。俗名柴橄欖。初食之甚澁。殆咀嚼久之。隨飲以水。回味自甘。煮食可解酒毒。置湯中可以代茶。鹽淹蜜漬皆宜。又廣西出方檳。有三角。邕州者。色類相似。但核作兩瓣之異耳。

荔枝

荔枝一名丹荔。一名離枝。爲南方珍果。嶺南蜀中俱產。惟門中
爲第一。樹有高至五六丈者。其形團圓如帷蓋。葉似冬青花如
橘枳。又若冠之狀。綏柔如蒲萄。結實多雙核。類枇杷而尖長。殼
如紅縐膜如紫絹。肉如白肪。甘如醴酪。花於春末。實於夏中。其
木堅久。其根多浮。須常加糞壤以培之。但性不耐寒。最難培植。
纏經繁霜。枝葉立萎。必待三春再發。初種五六年。交冬便須覆
蓋。直至四五十年始開花結實。有四百餘年老幹。猶能結實。亦
異品也。每逢夏至。將中其實。翕然俱赤。採食味甘多汁而香。大
樹下子可百斛。妙在人未採時。百蟲不敢食。一經染指。鳥雀蟬

蝠之類。俱來傷殘。孰時必起日中。併手採摘。此果若離木枝。一日色變。二日香減。三日味變。四日外色香味皆盡矣。非惟北地不可得。卽江浙亦未之見也。然其名色荔枝詩載之甚詳。羣畧舉蔡君謨之大概而錄之。總由愛其實而摹擬其色香味與地土形狀姓氏而巧爲名之耳。多食病熱。以蜜解之。

附荔枝釋名 共七十五種

諸色荔枝

狀元紅

實圓而小核細

大將軍

五代時有此因種

一品紅

上於

枝爲極品

玳瑁紅

色紅有黑點類

陳紫

出著作卽陳琦家

福州堂前

玳瑁出城東

乃爲果中第一

方紅經可一求石木俱美藍家紅泉州第一品出法石白

石院色自其江綠類陳紫差大而香周家紅初為第一今重

大欠於藍紅江綠味次出泉州江姓周家紅陳紫方紅而此

為次大丁香殼厚色紫味微龍牙長可三四寸薄開如宋公荔

枝此陳紫而小十八娘色深紅而細長尚珍珍珠荔枝固白如

荔之次山荔枝出南越四月熟蒲荷荔枝第一粉紅

荔枝荔枝本深紅此密荔枝因其過於甘香圓丁香他種殼

銳此蜀圓水荔枝漿雖多而味不大小陳紫一種大過陳紫

綠葉香皮色綠而雜以虎刺荔枝色紅上有青牛心此以狀

厚肉滋釵頭顙可施之頭髻蜡殼是以狀秋元紅實時最

命游家紫出泉州何家紅漳州綠核荔枝皆紫蕙團身染數

雙朱柿色似朱碗黃以其色類碗學士緋實色最水晶國似

水楓亭驛出興化肉佳核因其核最細六月蜜取六七夕紅

因其七月中秋綠因其熟也鐵玉肉微有星毬紅實圓有綠羅

實熟也

袍猶成熱色天茄子色如麝香其香微有松柏壘其形有

實金鐘

金饅

紫瑤

茨藜

延壽紅以上諸名馳蹄

饅頭

蛇皮

雙髻

僧耆頭以上取脆玉

栗玉

玉英

郎信紅

水母以上取沉香

壽香

透背

中半熟此

取其

百步蘭以上取其進鳳子

爭龍瓶

犀角子

不總子 大蠟 小蠟 雞舞引子 牂牁亦取其色得名

龍眼

龍眼一名益智。一名比目。一名海珠藜。樹似荔枝。而葉幹差小。凌冬不凋。其枝蔓延。終木而生。春末開細白花。結實圓如彈。而殼青黃。核如木。院子而不堅。肉白有漿。其甘如蜜。一朶四五十顆。作穗。若蒲萄然。其性畏寒。白露後方可摘。荔枝有後方熟。故俗呼爲荔枝奴。又因其色香味皆不及荔枝。故稱爲奴。在食品則荔枝肉厚漿多而香。因可人口。特珍異之。若論益人。則龍眼功用良多。荔枝性熱。而龍眼性最和平。宜與荔枝比肩。烏得而奴

赫之耶。

黃楊木

黃楊木樹小而肌極堅細。枝叢而葉繁。四季長青。每歲止長一
寸。不溢分毫。至閏年反縮一寸。昔東坡有詩云。園中草木春無
數。惟有黃楊厄閏年。因其難大人多以之作盆玩。

榔

榔出海南。今嶺南亦有之。葉如棕櫚。樹高六七餘丈。亦無枝條。
葉在木末如東蒲。實生葉間。一穗數枝。大如寒瓜。皮中子殼可
爲飲器。鋸開子中白瓢。厚有半寸。味似胡桃。極肥美。有漿飲之。

輒醉初極清芬久之則渾濁不堪飲矣人皆取其殼作瓢能解水與毒如酒有毒則酒滾沸而起今人反漆其裏是失本旨矣

椒

椒一名蓂莢一名漢椒有秦蜀二種今處處有之惟蜀產者香烈木高四五尺似茱萸而小本有針刺葉堅而滑味亦辛香蜀人取嫩芽作茶其葉對生尖而有刺四五月結子枝葉間如小豆而圓生青熟紅皮皺肉厚內有小黑子突出如人之瞳子故有椒目之稱喜陰惡糞宜壅河泥又一種胡椒生於西戌北人食物中多尚之廣東一種小椒係蔓生其辣味與樹椒同

茱萸

茱萸隨處皆生。木高丈餘。皮青綠色。葉似椿而潤厚。色青紫。莖間有刺。三月開紅紫細花。其實結於枝梢。累累成簇而無核。嫩時微黃。至熟則深紫。味辛辣。如椒。井側河邊宜種此樹。葉落其中。人飲是水。永無瘟疫。懸子於屋。能辟鬼魅。九月九日折茱萸戴首。可辟惡氣除鬼魅。

銀杏

銀杏一名鴨脚子。以其葉似鴨脚也。多生南浙。木最耐久。高十丈餘。大可數圍。其肌理甚細。可爲棺具。梁棟之用。又名公孫樹。言公種

而孫始得食也。錄其子曰：俗呼爲白果。其花夜開，卽落，人罕見之。實大如枇杷，每枝約有百十顆，初青後黃。八九月熟後，打下，堆積空處，待其皮自腐爛，方取其核，洗淨，曝乾。核形兩頭尖扁，而中圓。或炒或煮而食俱可。春初種肥地，週年後方可移栽。其核有雌雄：雌者兩稜，雄者三稜。須雌雄同種，方肯結實。或將雌樹與水種之，照影亦結。或將雌樹鑿一孔，以雄木填入，泥封之，亦結。大約接過易生。實熟時，以竹篾箍樹本，但擊斃，則果自落。雖爲佳果，可以療病，究竟不可多食。食多動風，惟率子廷試煮食，能截小水。如食多，誤中其毒，一時腹內痛脹，連飲冷白酒幾

孟一吐卽愈。

胡桃

胡桃一名羌桃。一名萬歲子。樹高數丈。葉翠似梧桐。兩兩翠對而長。且厚而多陰。三月開花如栗花。穗蒼黃色。實似青桃。有二種。殼薄多肉易碎者。名胡桃。產荆襄。殼堅厚須重槌乃破者。名山核桃。產燕齊。採用先剖去青皮。乃得核桃。核內有白肉。形如猪腦。外有黃膜微澁。須湯泡去之。可食。然其性熱。只宜少食。下種必擇其佳者。殼光紋淺。體重之核。平埋土中。卽能發芽。若以尖縫向上。則土浸其仁。壞多不能活。春斫皮中出汁。婦女取

沐頭則黑髮。又將核入火中燒半紅。埋灰中作火種。經三四日不動亦不燭。

六月雪

六月雪一名悉茗。一名素馨。六月開細白花。樹最小而枝葉扶疎。大有逸致。可作盆玩。喜清陰。畏太陽。深山叢木之下多有之。春間分種。或黃梅雨時扦插。宜澆淺茶。

茶

茶一名薺音喘。早採爲茶。晚採爲茗。其葉以穀雨前採者爲貴。花色月白而心黃。清香隱然。瓶之高齋。誠爲雅供。且蓋在枝間者。

逐一皆開。性畏水與日。不澆肥者。茶更香美。其所產之地殊多。但不宜於北。今就最著名者而衡之。松羅伏龍。天池。陽羨等類。色翠而香遠。芥片產吳興。是茶而實非茶種。皆爲江浙第一。如虎丘龍井。又爲吳下第一。惜不多產。至於荆溪武夷。稍下。六安可入藥。而香味不及。天目徑山次之。此外所產。只可供本上之用耳。藏茶須用錫瓶。則茶之色香。雖經年如故。近口閤茶。以松羅雜真珠蘭焙過。而香更烈者。終不若天然香味之足貴也。但茶性甚淫。梅花茉莉玫瑰木樨。隨拌隨染其香矣。

枳椇

枳椇一名木蜜。一名雞距子。樹高三四丈。葉圓大如桑柘。枝柯不甚直。子著枝端。夏月開花。實長寸許。細曲開作二三岐。形若雞之足距。嫩時青色。經霜乃黃。味甘如蜜。嫩葉生啖亦爾。老枝細破煎汁成蜜。倍甜。能止渴解煩。但敗酒味。若以此木爲柱。則屋宇之酒必薄。每實開岐盡處結一。二小子。內有扁核。色赤如酸棗仁。飛鳥喜巢其上。

槐

槐一名櫟。一名盤槐。一名守宮槐。樹高大而質鬆脆。葉細如豆。辨。季春之初。五日如兔目。十日如鼠耳。更旬始規。二旬葉成。扶

疎可觀。花淡黃而形變轉。在秋初時開。故有槐花黃。舉子忙之
諺。人多庭前植之一。取其蔭。一取三槐吉兆。期許子孫三公之
意。花可染色。結實至明年春暮方落。落卽自生小槐。懷槐葉大
而色黑。本如棠。盤槐。膚理葉色俱與槐同。獨枝從頂生。皆下垂。
盤結蒙密如涼傘。性亦難長。歷百年者。高不盈丈。或植廳署前。
或種高阜處。甚有古致。守宮槐。幹弱花紫。晝聶夜炕。又俗名猪
屎槐。者。材不堪用。種法。收子晒乾。夏至前以水浸生芽。和麻子
撒肥地。當年卽與麻齊。刈麻留槐。別樹竹竿。以繩攔定。來年復
種麻。護之。三年後方可移栽。老槐經秋可取火。

紫薇

紫薇一名百日紅其花紅紫之外有白者曰銀薇又有紫帶藍色者曰翠薇俗呼爲怕癢樹其樹光滑無皮人若搔之則枝幹無風而自動亦其性使然也葉對生一枝數顆一顆數花六月始花其蕊開謝相接續可至九月約有百日之紅其性喜陰宜栽於叢林之間不蔽雨露處自茂根旁小本分種易活

白菱

白菱葉似橈子花如千瓣菱花一枝一花葉托花朵七八月間發花其花垂條色白如玉神約可人亦接種也

木槿

木槿一名舜英。一名王蒸。又名日給。愛老。重臺。花上花。諸名曰。惟千葉白。與紫。大紅。粉紅者佳。葉繁密如桑。而小花形差小如。蜀葵。朝榮久隕。遠望可觀。若單葉柔條。五瓣成一花者。乃籬槿也。止堪編籬。花之最下者。南海有朱槿。但不易得耳。在春初。扦插以河泥壅之。卽活。若欲扦插。須一連插去。不可住手。如斷續。挿生後雖盛。亦必斷而不接也。其嫩葉可代茶飲。

桂

桂一名棧。一名木樨。一名麝桂。葉對生。豈厚而硬。凌寒不凋。枝

條繁密木無直體花甚香甜小而四出或有重瓣亦不易得其
種不一白名銀桂黃名金桂能著子紅名丹桂不甚香又有四
季桂月桂閩中最多葉如鋸齒而紋粗花繁而香濃者俗呼毬
子木樨花時凡三放爲桂中第一澆以豬糞則茂壅以二簞沙
則肥但不宜糞而喜河泥若移栽須擇高阜半日半陰處以臘
雪高壅其根則來年不灌自茂冬月以搏猪湯澆一次尤妙如
木生蛀取芝蔴梗懸之樹間能殺諸蟲一云木樨接於石榴樹
上其花卽成丹桂花榭後摘去其蒂亦如鳳仙可發二次屈其
條壓土中良久自能生根一年後截斷八月含蕊時移種若以

不青樹接亦可。花以鹽滿浸之。經年色香自在。以糖樁作餅點。茶香美。

皂莢

皂莢一名皂角。所在有之。樹最高大。葉如槐而尖。細枝多刺。夏開小黃花。結實有三種。小而尖者名猪芽。長而肥厚多脂者可。用長而瘦薄不粘者劣。初生時嫩芽可茹。莢老可入藥。二三月宜種。如樹大不結莢。當於南北二面去地鑽孔。用木釘釘入泥。封其孔。來年卽結。

櫻欄

樓欄一名鬣葵。木高數丈。直無旁枝。葉如車輪。龍生木抄。有棕皮包於木上。二旬一剝。轉復上生。三月間。木端發數黃苞。苞中細子成列。卽花穗。亦黃白色。結實大如豆而堅。生黃熟黑。每一墮地。卽生小樹。宜植莊園之內。性喜鬆土。或烏雀食子。遺糞於地。亦能生苗。秋分移栽。先掘地作坑。用狗糞鋪坑底。再以肥土蓋之。初種月餘。以河水間日一澆。後此隨便可也。至其糝之爲用。織衣帽。褥椅之類甚廣。再製爲繩索。縛花枝。紮屏架。雖經雨雪。耐久不爛。園圃中極當多植數本者。

紅豆樹

紅豆樹出嶺南。枝葉似槐而材可作琵琶槽。秋間發花。一穗于
莖。累七下垂。其色如桃杏。結實似細皂角。來春三月則莢枯
子老。肉生小豆。鮮紅堅實。永久不壞。市人取數骰子。或貯銀囊。
俗皆用以為吉利之物。又有一種半截紅半截黑者。名相槐子。
土人多採以為婦人首飾。

無花果

無花果一名優曇鉢。一名映日果。一名蜜果。樹似胡桃。三月發
葉。似楮子。生葉間。五月內不花而實。狀如木饅頭。生青熟紫。味
如柿而無核。植之其利有七。一。味甘可口。老人小兒食之有益。

無益。二曝乾與柿餅無異。可供遺賢。三立秋至霜降。取次成熟。可爲三月之需。四種樹取効最速。桃李亦須三四年後結實。此果截取大枝扦插。本年即可結實。次年便能成樹。五葉爲醫痔勝藥。六霜降後。知有未成熟者。可收作糖蜜煎果。七得土即活。隨地廣植。多貯其實。以備歉歲。種法在春分前。取三尺長條。插土中。澆以糞水。若生葉後。惟澆清水。結果後。更不可缺水。常置甕其側。出以細甯。日夜不絕。實大如甌。

枇杷

枇杷一名盧橘。樹高二三丈。葉似枇杷。又如驢耳。背有淡黃毛。

枝葉婆娑。凌冬不凋。秋發細蕊。成穗。冬開白花。來春結子。簇結作林。微有毛。如鷺黃。小。至夏成熟。滿樹皆金。其味甘美。收核種之。卽出。待長。移栽。春月用本色肥枝接過。則實大而核小。若再接一次。則無核矣。性不善糞。但以淋過淡灰壅之。自能榮茂。果木中獨備四時之氣者。惟枇杷。杷核能去黴垢。

栗

栗產濮陽。范陽。兗州。而宜州。杭州者更佳。樹似櫟。而花色青黃。與他花特異。枝間綴花長二三寸許。有似胡桃。人俟其落時。收之。熬火風雨不滅。結實如毬。外有芒刺。內有栗房。一包三五枚。

熟則罇折于山如欲乾收或曝或懸迎風處若欲生收想定潤沙中至春三四月尙如新摘者冬末春初將子埋濕土中種向陽地待生長六丈餘方可移栽春分時取櫟樹或本樹生子肥大者接之亦可栗生數年不可掌近凡屬新栽樹皆然而栗尤甚十月天寒以草包之二月方解或云與橄欖同食能作梅花香味而橄欖無楂。

榛

榛生關中鄆坊山東等處樹似梓而高丈餘葉色如牛李冬發花春結實外殼堅內肉香狀如小栗其核中悉如李生則胡桃

味乾則甜美可食產遼東新羅者更肥美栽種法與栗同。

榧

榧一名梭子。一名玉榧俗呼赤果產自永昌沈川者不及信州玉山之佳。葉似杉而異形其材文彩而堅本大連抱高有數仞。古稱文本堪爲器用。樹有牝牡牡者開花而牝者結實理有相感。不可致詰也。冬日開黃圓花其實有皮殼如棗而尖短去皮殼可以生食若火焙過便能久藏食更香美大槩以細長而心實者爲佳。一樹可得數十斛二月下子種。

木蘭

木蘭一名木蓮一名杜蘭生零陵山谷及泰山上狀如楠樹高
數丈枝葉扶蘇皮似桂而香葉似長生有三道縱紋花似辛夷
內白外紫亦有紅黃白數種交冬則榮亦有四季開者實如小
柿甘美可食

茶梅花

茶梅非梅花也因其開於冬月正衆芳凋謝之候若無此花點
綴一二則子月幾虛度矣其葉似山茶而小花如鸞眼錢而色
粉紅心深黃亦有白花者開最耐久望之雅素可人

天仙果

天仙果。出自四川。樹高八九尺。葉似荔枝而小。不開花而自實。纍纍枝間。子如櫻桃。六月中熟。其味最甜美。

古度子

古度子。出自交廣諸州。本與葉似栗。不開花而實。枝間生子。大如安石榴。及櫨子而色赤。味酸。煮以爲饅食之。若遲數日不煮。則化作飛蟻穿皮飛去矣。此蓋無情化有情之一驗也。

攀枝花

攀枝花。一名木綿。產於南越。樹類梧桐。高四五丈。葉類桃。而稍
花似山茶。則時殷紅如錦。結實大如酒盃。葉於口卽攀接。

花土人取其實中絮。補香甚。歌美。但不可作綿線。若樹上有取不盡者。猶如柳絮。即飛揚四散矣。

柏

柏一名烏柏。一名柜柳。出浙東江西。所最高大。葉如杏而薄。小淡綠色。可以染皂。花黃白。子黑色。可以取臘爲燭。其子中雜核可榨取油。止可燃燈。油傘不可食。食則令人吐瀉。木必接過方結子。不接者雖結不多。秋晚葉紅可觀。亦秋色之不可少者。

石楠

石楠昔楊妃名爲端正木。南北皆有之。樹大而婆娑。其質甚堅。

葉如枇杷。絕有小刺而背無毛。名曰鬼目。春盡開白花成簇。秋結
細紅實。冬有二葉為花苞。苞既開。中有十五餘花。大小如椿花。
其細碎。每一色約彈子大。而成毬。一花六葉。一朶有七八毬。淡
白綠色。葉本微淡赤色。花既開。甚滿。花但見葉。不見花。花雖罷。
隔年綠葉始落。漸生新葉。綠葉密多。陰人皆移植庭院間。清明
時。紅葉墮地。小兒拾為冠帶嬉戲。蜀中一種最大者。可數十圍。
中梁柱之用。小者為梳。最精。

鐵樹

鐵樹。葉類石楠。質理稠厚。幹葉皆紫黑色。花紫白。如瑞香。四時

較少團一開累月不凋。嗅之乃有草氣。因憶古人嘗見草或難成。便云除須鐵樹開花。疑無是樹。及至馴象筍。股指擗園中見有此樹。高可三四尺。詢其名。則曰鐵樹。每遇丁卯年便放花。其年果花移置堂上。治酒歡飲。作詩稱賀。若非到此目睹。則安知真有是木耶。及聞海南人言。此樹黎州極多。有一二尺長者。葉密而花紅。樹儼類鐵。其枝極穿結。甚有畫意。盆玩最佳。但人所罕見。故稱奇耳。五臺山有鐵樹。每年六月開花。

冬青

冬青。一名萬年。枝樹似狗骨。枝幹疎勁。葉綠而亮。隆冬不枯。可

以染緋。在園徑路。多排直面種。號曰冬牆。夏開小白花。而氣味不佳。花含蕊必雨。花落後必晴。結子圓而青。名曰女貞實。可以釀酒。子墜地卽生苗。移植易活。欲其茂盛。須用猪糞壅。再以猪溺澆。雖至凋瘵。後榮一種細葉冬青。枝條細軟。乘小時種。旁籬邊用以密編。可蔽籬眼。堅久如壁。又一種水冬青。葉細而嫩。利於養蠟。子取白蠟。宋徽宗試畫院諸生。以萬年枝上太平雀爲題。無一知者。及扣之。冬青也。洪武時。杭城各街市。比屋植冬青。亦取吉祥之意。

榆

榆類種多葉皆相似。但皮及木理有異。刺榆如柘有刺其葉如
榆嫩時滑為莢。莢滑於白榆。初春先生莢名曰榆錢。最可觀。亦
可作羹。至冬實老可釀酒。亦可作醬。荒歲其皮磨為粉可食。亦
可和香末作糊。榆麵如膠用粘瓦石極有力。